

74
6640
77





74  
6640  
77



五禮通考卷第二百一

內廷供奉禮部右侍郎金匱秦蕙田編輯

翰林院編修嘉慶錢大昕

李太保總督魏都御史桐城方觀承同訂

直隸按察司副使元和宋宗元

參校

嘉禮七十五

體國經野

書禹貢海岱及淮惟徐州

雖指傳曰東至海北至岱南及淮涓案地理志桐柏

大復山在南陽平氏縣東南淮水所出東南至淮陵

入海陵當作陰字之誤也過郡四行三千二百四十里徐西不言

所至然爾雅云濟東曰徐州則知其西亦距濟海自


江南山陽縣東折而西北為淮水入海之口其北岸

則安東縣也是為徐域海自縣東而北歷海州東中

有鬱林山亦名鬱洲北齊置東海縣元和志云本漢又北歷贛榆


贛榆縣地俗謂之鬱洲亦謂之田橫島

五禮通考卷第二百一 體國經野



91-0754





淮沂其乂

縣東又東北歷山東日照縣東又東北歷諸城縣東至琅邪臺過此則為青域矣 徐北至岱岱之西南為東平其南為泰安所謂汶陽之田者也東南為萊蕪新泰沂州諸城皆以長城故陟與青分界 淮水今自鳳陽府壽州界州在淮南東流經懷遠五河泗州南又東北經淮安府清河縣南與黃河合又東經安東縣南而東北入於海中流與揚分界故曰南及淮也 岱濟之間與兗分界蓋在東平汶上鉅野之西濟淮之間與豫分界蓋在金鄉碭山宿州懷遠之西

其治故於此記之涓案桐柏山在南陽平氏縣東南其故城在今南陽府桐柏縣西北四十里蓋縣故城在今青州府沂水縣西北

地理今釋沂水出今山東青州府沂水縣西北一百七十里雕崖山接蒙陰縣界南流至江南淮安府宿遷縣北匯為駱馬湖又南入運河

胡氏渭曰蔡傳引曾氏曰徐州水以沂名者非一酈道元謂水出尼邱山西北徑魯之雩門亦謂之沂水水出太山武陽之冠石山亦謂之沂水而沂水之大則出於泰山也案水經注出尼邱之沂水流經魯縣故城南北對稷門稷門一名高門亦曰雩門水即曾點所浴也西入泗水與經文之沂無涉水經注有小沂水者三曾僅舉其一沂水出泰山郡之蓋縣今但



云出於泰山非也疑脫蓋縣二字

蒙羽其藝

雖指正義曰地理志云蒙山在泰山蒙陰縣西南羽山在東海祝其縣南渭案今山東青州府蒙陰縣南有蒙陰故城江南淮安府贛榆縣南有祝其故城皆漢縣也

胡氏渭曰蒙山在今蒙陰縣南四十里西南接費縣界詩魯頌奄有龜蒙論語季氏將伐顓臾孔子曰昔者先王以為東蒙主邢昺疏云山在魯東故曰東蒙也漢志蒙陰縣有蒙山祠顓臾國在山下後魏志新泰縣有蒙山宋省蒙陰後魏以其地改置新泰縣劉芳徐州記蒙山高四十二里長六十九里西北接新泰縣界元和志蒙山在新泰縣東八十八里費縣西北八十里東蒙山在費縣

西北七十五里是謂蒙與東蒙為二山也齊乘曰龜山在今費縣西北七十里蒙山在龜山東二山連屬長八十里禹貢之蒙羽論語之東蒙正此蒙山也後人惑於東蒙之說遂誤以龜山當蒙山蒙山為東蒙而隱沒龜山之本名故今定正之邑人公孫論曰蒙高峯數處俗以在東者為東蒙中央者為雲蒙在西者龜蒙其實一山龜山自在新泰其北有沃壤所謂龜陰之田亦非即龜蒙峯也參之以邢疏東蒙即蒙山非有二山明矣漢志祝其縣南有羽山杜預左傳注亦云在祝其縣西南縣之故城在今贛榆縣界而隋志胸山縣有羽山元和志云羽山在胸山縣西北一百里又云在臨沂縣東南一百十里與胸山縣分界胸山今海州臨沂今沂州也近志郟城縣東北



亦有羽山接贛榆界齊乘云羽山舊在胸山縣東北  
九十里今屬沂州在東南一百二十里時郟城未復  
故在州境也諸說不同要之此山在沂州之東南海  
州之西北贛榆之西南郟城之東北實跨四州縣之  
境也明一統志云在贛榆縣西北八十里則誤矣說  
者皆以此山為舜殛鯀處山下有羽潭即左傳所云  
其神化為黃熊入于羽淵者也愚謂此地太近非荒  
服放流之宅孔安國舜典傳云羽山東裔在海中今  
登州府蓬萊縣有羽山寰宇記云在縣東十五里即  
殛鯀處有鯀城在縣南六十里以近殛鯀之地而名  
此與孔傳謂在海中者合當從之齊乘九日山東北  
二十里有龍山又北即羽山蓬萊新志云在縣東南  
三十里禹貢之羽在徐域舜典之羽在青域不可以

無辨

蕙田案此辨蒙羽二山是

大野既豬東原底平

錐指傳曰大野澤名正義曰地理志大野澤在山陽  
鉅野縣北東原即今之東平郡蔡氏曰東原在徐之  
西北而謂之東者以在濟東故也漢東平國景帝亦  
名濟東國益知大野東原所以志濟也渭案今山東  
兗州府鉅野縣西有鉅野故城何承天曰鉅野湖澤  
廣大南通洙泗北連清濟舊縣故城正在澤中是也  
漢東平國治無鹽縣其故城在今東平州東周禮  
兗州澤藪曰大野夏元肅云大野在徐之西兗之東  
周無徐州故以屬兗爾雅十藪魯有大野左傳哀十  
四年西狩于大野獲麟杜注云在高平鉅野縣東北



大澤是也秦漢之際稱鉅野澤史記彭越漁於鉅野澤中後又稱巨澤水經注濟水東北出巨澤是皆大野矣元和志云大野澤在鉅野縣東五里南北三百里東西百餘里近志云鉅野澤在縣城北案鉅野故城在今縣西而何承天云舊縣故城皆在澤中則澤必不起自今縣之東北可知也蓋此地屢遭河患漢元光三年河決濮陽瓠子注鉅野通漣泗後二十餘年始塞自是之後五代晉開運初宋咸平三年天禧三年熙寧十年金明昌五年河皆決入鉅野溢於淮泗或由北清河入海自漢以來衝決填淤凡四五度高下易形久已非禹迹之舊逮元至正四年河又決入此地鉅野嘉祥汶上任城等縣皆罹水患及河南徙澤遂涸爲平陸而畔岸不可復識矣

又曰吳氏澄曰大野澤俗稱梁山灤于欽齊乘亦云澤卽梁山泊也梁山在壽張縣東南七十里東平州西南五十里東接汶上縣界汶水西南流與濟水會於山之東北迴合而成灤志云大野澤之下流也水常匯於此金時河益南徙梁山灤漸淤

羽畎夏翟嶧陽孤桐

雖指傳曰嶧山之陽正義曰地理志云東海下邳縣西有葛嶧山卽此山也渭案後漢郡國志下邳東海縣有葛嶧山本嶧陽山劉昭補注云山出名桐伏滔北征記曰今繫根往往而存山在今淮安之邳州西北六里林少穎云嶧山卽詩所謂保有鳧繹非也渭案漢志東海下邳縣葛嶧山在西古文以爲嶧陽魯國驪縣故邾國嶧山在北嶧繹古字通今兗州府



鄒縣東南有嶧山一名邾繹亦曰鄒嶧此卽鳧繹之  
繹左傳邾文公卜遷于繹史記秦始皇刻石頌功德  
者也水經注泗水厯下邳縣逕葛嶧山東卽奚仲所  
遷之邳繹元和志謂之嶧陽山邳州新志云俗名距  
山以其與沂水相距也此乃禹貢之嶧陽漢志極其  
分明林氏混而一之大謬蔡傳主葛嶧而黃文叔以  
爲在鄒縣非唯不見北征記語亦不知有地理志矣

### 泗濱浮磬

錐指泗濱先儒但云泗水之涯而不言在何縣水經  
注泗水自彭城又東南過呂縣南水上有石梁焉故  
曰呂梁晉太康地記曰水出磬石書所謂泗濱浮磬  
者也括地志亦云泗水至彭城呂梁出磬石今徐州  
東南六十里有呂梁洪高誘淮南子注云呂梁在彭

城呂縣石生水中禹決而通之蓋卽磬石之所出也  
金元以來泗殫爲河明嘉靖中惡其石破害運舡鑿  
之使平而浮磬愈不可問矣

### 淮夷蠙珠暨魚

胡氏渭曰淮南北近海之地皆爲淮夷書序曰武王  
崩三監及淮夷叛又曰成王東伐淮夷遂踐奄費誓  
曰維茲淮夷徐戎並興詩序宣王命召公平淮夷常  
武曰率彼淮浦省此徐土又曰截彼淮浦王師之所  
魯頌曰奄有龜蒙遂荒大東至于海邦淮夷來同左  
傳僖十三年淮夷病杞此皆淮北之夷在徐州之域  
者也江漢之詩曰江漢浮浮武夫滔滔匪安匪遊淮  
夷來求春秋昭公四年楚子召諸侯及淮夷會于申  
此皆淮南之夷在揚州之域者也經所稱淮夷乃淮



北之夷漢臨淮郡有淮浦縣今為安東縣屬淮安府  
淮水從此入海即詩所謂淮浦矣淮夷蓋在東方荒  
服之內故亦謂之東夷今淮揚二府近海皆是也  
浮于淮泗達于河

雖指金氏曰達于河古文尙書作達于荷說文引書  
亦作荷今俗本誤作河耳荷澤與濟水相通而泗水  
上可以通荷下可以通淮徐州浮淮入泗自泗達荷  
也青州書達于濟則達河可知故徐州書達于荷則  
達濟可知渭案荷謂荷澤在今兗州府定陶縣東北  
說文荷字下云禹貢浮于淮泗達于荷从水苛聲徐  
鉉音古俄切隸从艸作荷俗遂訛為荷又訛為河也  
許慎時經猶作荷而史記漢書竝作河蓋後人傳寫  
之誤濟水豬為荷澤此經蒙青之文曰達于荷則由

濟入漯可知矣以今輿地言之泗水出泗水縣歷

曲阜滋陽濟甯鄒縣魚臺滕縣並屬山東沛縣徐州沛

屬徐州邳州宿遷桃源至清河縣入淮並屬淮此禹迹也

今其故道自徐城以南悉為黃河所占而淮不得擅

會泗之名矣

胡氏渭曰徐州有古大庭少皞之虛左傳梓慎登大庭氏之

魯城內或曰大庭即炎帝也劉栢有緡大彭奄邳之封皆在焉

春秋時可考者魯滕茅薛徐邾莒並屬魯邾遂任宿須句

顓臾鄆郵陽鄆後為小邾向極牟鑄鄆邾偃陽根牟鍾吾

甲父凡二十九國戰國時屬魯而宋齊楚亦兼得其

地秦并天下置泗水琅邪西境薛郡漢改置東海郡復

以其地為徐州領郡後漢魏晉竝因之魏晉領郡國七唐為河南

道之彭城徐州臨淮泗魯郡兗東海海琅邪沂等郡案



以上通典所列唯魯郡乾封萊蕪之北境當往屬青其當來屬者兗域東平之須昌鉅野宿城及壽張之東境濟陽平陰之南境青城高密之莒縣及諸城之南境是也以今輿地言之江南徐州及鳳陽府之懷遠五河虹縣泗州宿州靈璧淮安府之桃源清河安東邳州宿遷睢甯海州贛榆山東兗州府則滋陽曲阜甯陽鄒縣泗水滕縣嶧縣金鄉魚臺濟甯嘉祥鉅野東平汶上沂州郯城費縣及平陰之南境濟南府則新泰及泰安萊蕪之南境青州府則蒙陰沂水莒州日照及諸城之南境皆古徐州域也

淮海惟揚州

錐指傳曰北據淮南距海涓案海岸雖自東北迤西南而經云東漸于海則青徐揚之海皆主東言可知

也傳於青兼言北既為失之而於揚專言南則失之愈甚通典曰揚州北距淮東南距海舊曰南距海今改為東南自晉以後歷代史皆云五嶺之南至于海竝是揚州之地案禹貢物產貢賦職方山藪川浸皆不及五嶺之州且荆州南境至衡山之陽若五嶺之南在九州封域則以鄰接宜屬荆州豈有捨荆而屬揚此近史之誤也杜氏此言良是改南為東南視傳為優其所距者即秦漢南海郡之揭陽縣唐潮陽郡今潮州府是也南海郡治番禺其極東界為揭陽縣王莽改縣曰南海亭蓋至此始為南海而揭陽以北猶為東海故知揚州之海經亦主東言也 淮水自今河南汝甯府息縣南東流經光山縣北是為揚域又東經光州北又東經固始縣北又東北經江南鳳



陽府潁州北又東經霍邱縣北潁上縣南又東經壽州北與豫分界又東北經五河縣東南又東經泗州南盱眙縣北又東北經淮安府清河縣南又東經山陽縣北又東經安東縣南而東北注于海與徐分界海自山陽縣東北折而東南歷鹽城興化如臯縣東又南至通州東爲江水入海之口其南岸則太倉州也自州東又東南歷上海縣金山衛東又南歷浙江鎮海象山縣折而西歷甯海縣東又西南歷黃巖太平樂清瑞安平陽縣東又南歷福建福甯州東又西南歷羅源連江長樂福清縣東又西南歷莆田惠安同安縣南又西南歷海澄漳浦詔安縣東南又西歷廣東澄海縣南又西至潮陽縣南揚州之海於斯極矣昔周宣王命召公平淮夷帥師自江漢循流而

下故其詩曰江漢浮浮武夫滔滔又曰于疆于理至于南海淮夷淮南之夷南海卽揚東南所距之海韓退之南海神廟碑云廣州治東南海道八十里扶胥之口黃木之灣此番出之海也潮州刺史謝上表云州南近界漲海連天此揭陽之海也詩所謂至於南海者亦至揭陽而止耳豈必踰嶺以至番禺哉左傳僖四年楚子使屈完言於齊侯曰君處北海寡人處南海注云楚界猶未至南海因齊處北海遂稱所近蓋夸大之辭其襄十三年子囊述共王之德曰撫有蠻夷奄征南海征與處不同蓋楚至悼王時吳起爲楚南收揚越楚地始踰嶺而瀕南海其王則征之而已此却非夸大之辭揚之南界經無可見據通典以潮陽隸古揚州蓋自江西大庾嶺東南羣山繇亘



以達于廣東潮州府之揭陽卽揚之南界也大庾嶺  
在南安府大庾縣南八十里縣本漢豫章郡南寧縣地南接廣東南雄  
府保昌縣界縣亦南寧縣地水經注以爲五嶺之最東亦名東  
嶠漢書謂之塞上南越相呂嘉破漢將軍韓千秋于  
石門送漢節至于塞上卽此地也後漢志名臺領山  
唐以後又稱梅嶺其西爲聶都山贛水所出與湖廣  
郴州宜章縣接界裴淵廣州記曰五嶺大庾始安臨  
賀桂陽揭陽也此與水經注小異桂陽卽騎田而無  
都龐有揭陽顏師古云嶺者西自衡山之南東窮于  
海一山之限耳而別標名則有五蓋依裴氏五嶺訖  
揭陽揭陽山一名揭嶺在今揭陽縣西北百五十里  
南北二支直抵惠州府興甯海豐二縣界山南揭陽  
故城漢縣也今西自越城騎田萌渚陂陁相屬直趨

大庾嶺又循脊而下東包揭陽屬之海埂與江西福  
建分險唐一行所謂南戒山河至衡陽東循嶺徼達  
東甌閩中以限蠻夷者是也揚之西界經亦無可  
見今據通典所隸郡縣約略言之蓋自河南光山縣  
與豫分界其南爲湖廣之羅田蘄水蘄州廣濟踰江  
而南則爲江西之瑞昌又西南爲武甯甯州萬載萍  
鄉永新永甯又東南爲龍泉崇義大庾皆與荆分界  
處也

### 彭蠡既豬陽鳥攸居

雖指傳曰彭蠡澤名吳氏曰彭蠡澤跨豫章鄱陽之  
境廣數百里受歙信饒撫之水及洪東境之水豬名  
鄱陽湖流出名揚瀾左蠡虔吉袁筠之水及洪西境  
之水皆會過南康至湖口縣入江渭案地理志豫章



彭澤縣西有彭蠡澤今江西湖口彭澤都昌三縣皆  
漢彭澤縣地湖口彭澤屬九江府都昌屬南康府呂  
覽云禹爲彭澤之障乾東土謂斯役也 彭蠡澤後  
稱彭蠡湖在今江西南昌府城東北一百五十里饒  
州府城西四十里南康府城東五里九江府城東南  
九十里周迴四百五十里浸四郡之境亦曰鄱陽湖  
以中有鄱陽山而名俗因號在都昌者爲東鄱湖在  
南昌者爲西鄱湖湖又隨地而異名其在星子縣東  
南接南昌界者曰宮亭湖水經注云廬山南嶺下有  
神廟號曰宮亭廟故彭湖亦有宮亭之稱湖有落星  
石周迴百餘步高五丈其在都昌縣西南者曰揚瀾  
湖又北曰左里湖通典云地在章江之左因名元和  
志云揚瀾湖北曰左里一作左蠡今縣西南九十里

有左里城是也其在餘干縣西北者曰擔石湖通典  
云鄱陽郡西百七十里至擔石湖是也輿程記云自  
湖口縣入彭蠡湖經大孤山至南康府百二十里又  
二百五十里至南昌府自縣而東南渡湖抵饒州凡  
三百七十里鄱陽山本名力士山亦名石印山東南  
去鄱陽縣百五十里漢爲歷陵縣地湖中又有康郎  
山在餘干縣北八十里爲風帆之表幟大孤山在九  
江府德化縣東南四十里與南康分界水經注云有  
孤石界立湖中周迴一里竦立百丈轟然高峻特爲  
環異疑爲此山唐顧况詩大孤山盡小孤出蓋彭澤  
縣之小孤山與此遙相望也 彭蠡所受有九水劉  
歆云湖漢等九水入彭蠡是也或曰十川酈道元云  
贛水總納十川漢志豫章郡贛縣下云豫章水出西



南北入大江雩都縣下云湖漢水東至彭蠡入江又有鄱水餘水脩水盱水蜀水南水彭水廬水皆入湖漢水湖漢水與豫章水源異而流同彭水卽豫章水之上源非有二水是湖漢豫章與鄱餘脩盱蜀南廬爲九水也水經注則湖漢豫章總謂之贛水出豫章南野縣西一名豫章水以今輿地言之贛水自湖廣郴州宜章縣流入江西崇義縣界歷上猶南康贛縣萬安泰和廬陵吉水永豐峽江新淦清江豐城至南昌入彭蠡湖又北歷星子都昌德化湖口注于大江春夏時彭蠡浩蕩無涯霜降水涸則贛川如帶而已此水自昔有南江之稱鄭康成說三江云右會彭蠡爲南江南史王僧辯傳陳霸先自嶺南起兵討侯景出南江行至湓口胡三省云贛水謂之南江唐張九

齡都督洪州有望南江入始興郡路詩

三江既入震澤底定

雖指正義曰地理志云會稽吳縣故周泰伯所封國也具區在西古文以爲震澤蘇氏曰豫章江入彭蠡而東至海爲南江岷江江之經流會彭蠡以入海爲中江漢自北入江會彭蠡爲北江三江入海則吳越始有可宅之土而水所鍾者獨震澤而已曾氏曰具區之水多震而難定故謂之震澤震卽三川震之震若今湖翻底定者言底于定而不震蕩也易氏曰三江自入于海不通震澤而經何以言震澤底定蓋江湖在今日雖無相通之勢而當時洪水實有橫流之理想其際震澤與江水莽爲一壑自大禹疏導而三江入海震澤乃底於定自然之勢也

五禮通考卷三十一 體國經野

七

見王天與尚書纂傳 渭案蘇



氏三江之說人或疑之及閱徐堅初學記引鄭康成書注以證三江曰左合漢為北江右會彭蠡為南江岷江居其中則為中江故書稱東為中江者明岷江至彭蠡與南北合始得稱中也始知蘇氏所說東漢時固已有之馬中錫云斯言也百世以俟聖人可也地理今釋三江孔安國班固鄭康成韋昭桑欽郭璞顧夷諸說不一惟鄭康成曰左合漢為北江右合彭蠡為南江岷江居其中則為中江故書稱東為中江者明岷江至彭蠡與南北合始得稱中也融洽前後經文確不可易宋蘇軾實宗其說蔡傳專主庾仲初吳都賦注以松江婁江東江為三江力排蘇說且曰大江合漢與彭蠡之後又千餘里而入海不復可指為三不知三江云者因上流有中江北江南江而言

之非截然指為三也蔡傳又云禹貢無施勞者雖大亦略揚州大江無俟濬治故在不書不知禹貢所紀成功而施功即在其中當洪水汜濫之後大江自彭蠡以東至入海處其間豈無泥沙壅塞謂之無施勞可乎况管子荀子淮南子皆云禹疏三江可證也胡氏渭曰禹貢三江之不明誤自班固始漢志會稽吳縣下云南江在南東入海毗陵縣下云北江在北東入海今本漢書脫上一北字此據宋本增入後漢志亦云北江丹陽蕪湖縣下云中江出西南東至陽羨入海皆揚州川也蓋北江為經流至江都入海中江由吳松入海南江合浙江入海皆北江之枝瀆也導水明言漢自彭蠡東為北江江自彭蠡東為中江誠如班氏所言則蕪湖之中江何以知為江水之所分毗陵之北江何以定為漢水之所獨



乎以此當禹貢三江之二雖愚者亦知其非矣  
方氏荊州曰其川江漢揚州曰其川三江此正與禹  
貢同蓋荊州未會彭蠡故但稱江漢及至揚州則江  
漢與彭蠡參會故有三江之目二經若合符節或因  
職方與五湖連舉又班志以蕪湖之中江吳縣之南  
江爲揚州川遂以三江口當之大非  
主班固陸德明兼舉韋昭顧夷而無所專主蔡沈主  
庾仲初歸有光主郭璞今有要言不煩可以折聚訟  
之紛紛者富順熊過云黃帝正名百物未嘗假借後  
世乃通之耳竊謂禹主名山川亦然南方流水通呼  
爲江北方流水通呼爲河故傳記多隨俗之稱而禹  
貢無所假借唯水之出自河者眾不可勝名則總其  
數而謂之河九河是也眾水之會而入於江者混爲

一川大小相敵則亦總其數而謂之江三江九江是  
也然潔亦河之別而不名河江之別曰沱漢之別曰  
潛則其名有所不輕與矣而況松江爲震澤之下流  
錢唐浦陽之出自浙東者哉夫江河者百川之宗也  
非江而被以江名是猶吳楚僭王春秋之所誅絕也  
禹貢職方豈有是與總之三江紀其合不紀其分苟  
以派別者當之則必與導水之義有礙故或以爲錯  
誤或以爲衍文而聖經亦不足信矣諸說唯蘇軾同  
鄭康成爲無病以其非異派也先儒曾啟程秘易祓  
夏撰程大昌黃度陳普王充耘皆主蘇說近世蔡傳  
單行而鄭曉周洪謨馬中錫邵寶張吉章黃郝敬袁  
黃亦以蘇說爲是此心此理之同終不容混也  
觀承案三江旣入句當另爲一條三江者以



經證經當是北江中江九江耳禹貢諸水俱不稱江惟此三水獨有江名故至揚入海雖合流已久而尚別之為三所以存其源也舊惟連震澤底定為節故蔡氏泥之而取庾仲初叟江東江松江俱震澤下流之三水以解三江耳不知禹貢規一州全勢以立文非專作蘇州一郡志也故當逐句讀斷則先曰彭蠡既豬而揚州西偏之水甯矣次曰三江既入而揚州北偏之水順矣乃曰震澤底定而揚州東偏之水亦平矣三方循軌而其南浙江諸水則地偏勢急而本無水患而揚州全局不了然在目也耶似此說為長也

孔傳云震澤吳南太湖名山海經浮玉之山北望具

區注云太湖也爾雅十藪吳越之間曰具區注云具區今吳縣西南太湖即震澤也今案周禮揚州澤藪曰具區班固以為即震澤蓋澤自吳西南境東出為松江一名笠澤在今吳江縣界北去吳五十里水經注云笠澤在吳南松江左右國語越伐吳吳禦之笠澤越軍江北吳軍江南者是也孔郭指此為太湖則誤矣越絕書曰太湖周三萬六千頃水經注引韋昭曰方員五百里盧熊蘇州府志引顏真卿石柱記曰四萬八千頃王鏊姑蘇志曰東西二百餘里南北一百二十里占蘇湖常三州今案蘇之吳吳江湖之烏程長興常之宜興武進無錫此七縣者皆瀕太湖楊脩五湖賦云頭首無錫足蹄松江負烏程於背上懷大吳以當胸數言可作圖經也湖中有七十二山其



最著者曰包山夫椒山大雷山小雷山三山  
其上源西北有宣歙金陵九陽江之水由常州之百  
瀆以下西南有苕霅諸水由湖州之七十二澮以入  
焉其下流爲松江江水東北流歧分爲三江口史記  
正義云震澤在蘇州西南四十五里三江者在蘇州  
東南三十里名三江口一江西南上七十里至太湖  
名曰松江古笠澤江一江東南上七十里至白蠟湖  
名曰上江亦曰東江一江東北下三百餘里入海名  
曰下江亦曰婁江於其分處號曰三江口松江東歷  
夏駕浦又東爲青龍江至南隄浦口入海而太湖枝  
津則有崑山之劉家河常熟之白茆港兩縣境中又  
有三十六浦在常熟者二十四水入揚子江在崑山  
者十二水入于海皆所以決壅滯而防泛濫使民田

無漂沒之憂者也今東壩堅固宣歙金陵九陽江之  
水雖不入太湖而東江久已淤塞松江日漸淺隘諸  
港浦亦多陞廢湖水不能速達于海事與禹時不同  
此籌水利者所以汲汲於下流之疏濬與周禮揚  
州浸曰五湖據國語史記吳越春秋則卽是太湖虞  
翻曰東通松江南通霅溪西通荆溪北通滬湖東連  
韭溪吳郡續圖經云在嘉興凡有五道故名五湖韋昭曰五湖者胥  
湖蠡湖洮湖滬湖就太湖而五實一湖也前說較長  
張勃酈道元張守節陸龜蒙李宗諤諸家之說雖名  
稱各殊道里互別然皆在太湖上下二三百里之間  
唯李善以洞庭彭蠡震澤巢湖鑑湖司馬貞以其區  
洮滬彭蠡青草爲五湖夫洞庭青草在荆域而以爲  
五湖之一則顯與職方相背矣不可從



此洞庭自爲五湖  
與揚之五湖無涉

具區五湖明是兩處而孔傳謂太湖名  
震澤正義爲之辭曰餘州浸藪各異而揚州浸藪同  
處論其水謂之浸指其澤謂之藪此說非也葉少蘊  
云凡言藪者皆人所資以爲利故曰藪以富得民而  
浸則但水之所鍾也揚州之藪爲震澤今平望八赤  
震澤之閒平望鎮在吳江南四十五里八赤市在縣  
南二十里震澤鎮在縣西南八十五里水瀾漫而極  
淺其蒲魚蓮芡之利人所資者甚廣亦或可隄而爲  
田與太湖異所以謂之澤藪然積潦暴至無以洩之  
則溢而爲害所以謂之震澤黃子鴻申其義曰今土  
人自包山以西謂之西太湖水始淵深自莫釐武山  
以東謂之南湖水極灘淺蓋即古之震澤止以上流  
相通後人遂混謂之太湖誤矣涓案此辨周官之藪  
浸極明晰蓋自莫釐武山以東至平望八赤之閒松

江左右笠澤之地皆古具區禹貢謂之震澤者也

烏程有震澤上下二鄉今南潯上林軋村濱湖一帶數十里皆是亦即古具區  
禹貢所謂震澤者也故顏魯公作石柱記其辭甚簡必以震澤太湖兩處見之

禹貢長箋朱氏長孺曰案職方具區即禹貢震澤孔  
氏書傳鄭氏周禮注所云在吳南者是也但以爲即  
五湖則未然職方氏諸州皆有澤藪不應揚州水國  
反獨無之而與浸同處孔鄭所云吳南者漢吳縣治  
之南也吳縣治之南爲今吳江至嘉興一帶禹時懷  
襄未平三吳一壑具區當於其地求之若五湖即今  
太湖自環吳縣境之西北豈可合之爲一哉具區之  
源當與太湖俱來苕霅而水草所鍾淺而易溢太湖  
水西來汜濫則澤水奔騰震蕩自底定之後始可陂  
障沮洳數十百里民仰其利故爾雅謂之藪職方謂  
之澤藪而五湖則別之曰浸迨乎日久填淤生殖漸



繁遂成沃壤漢後諸儒求其地而不得遂合五湖而一之正義又曲為之說豈知三代以前固有澤浸不同者哉

蕙田案黃氏朱氏胡氏具區震澤之辨確不可易

### 島夷卉服

錐指蘇氏曰島夷績草木為服如今吉貝木棉之類渭案地理志樂浪海中有倭人分為百餘國又會稽海州有東鯤人分為二十餘國皆以歲時來獻見蓋即此之島夷已

觀承案卉即花也乃木棉之正名後人知自六朝時傳種中土故所在多有不知禹時島夷已製以為服故特別之曰卉服而取其木

棉之精者為織貝以入於貢篚也

胡氏謂曰揚州有古汪芒氏之封春秋時可考者蓼

六越楚東境是吳蔣苴黃舒宗巢舒庸舒鳩英桐鍾離濮

左傳昭元年吳濮有豐杜註云吳在東濮在南今建甯郡南有濮夷楚滅越而有其地秦并天下置九江鄣郡會稽閩中

南海東境今潮陽郡是漢復置揚州領郡七後漢魏晉竝因之晉領郡二十

唐為淮南道之廣陵揚州淮陰楚鍾離濠壽春壽永

陽滁歷陽和廬江廬同安舒蕪春蕪弋陽光等郡江

南東道之丹陽潤晉陵常吳郡蘇吳興湖餘杭杭新

定睦新安歙會稽越餘姚明臨海台縉雲處永嘉溫

東陽婺信安衢建安建長樂福清源泉漳浦漳臨江

汀潮陽潮等郡江南西道之豫章洪鄱陽雙潯陽江

臨川撫廬陵吉宜春袁南康虔等郡案以上通典所



列無可更定者以今輿地言之浙江江西福建皆是  
江南則江甯揚州廬州安慶池州太平甯國徽州鎮  
江常州蘇州松江十二府滁和廣德三州其鳳陽府  
則鳳陽臨淮定遠壽州霍邱盱眙天長淮安府則山  
陽鹽城河南則汝甯府之光州光山固始湖廣則黃  
州府之羅田蘄水蘄州廣濟黃梅廣東則潮州府皆  
古揚州域也

荆及衡陽惟荆州

雖指傳曰北據荆山南及衡山之陽正義曰以衡之  
南無復有名山大川可以為記故言陽見其境過山  
南也渭案地理志禹貢南條荆山在南郡臨沮縣東  
北衡山在長沙國湘南縣東南今湖廣襄陽府南漳  
縣有荆山本漢臨沮地衡州府衡山縣有衡山本漢

湘南地也

荆之北界判自南漳縣之荆山山在縣

西北八十里漳水所出其西為遠安興山北與梁接  
界荆山之西百餘里為景山水經沮水出漢中房陵  
縣注云出沮陽縣西北景山即荆山首也故淮南子  
曰沮出荆山元和志云沮水出房州永清縣西南景  
山永清本漢房陵縣地也縣南一百一十三里有建  
鼓馬鬣二山竝高峻又竹山縣西南三十五里有白  
馬塞山孟達歎為金城千里蓋皆景山之餘脈矣南  
漳以東為荆門鍾祥京山元和志大洪山在京山縣西  
北二百里孤秀為眾山之傑及隨州  
之南境廢光化縣地光化故城在今隨州東南三十餘里唐隨州  
管縣四通典云唯光化為荆城餘皆屬豫又  
東為應山縣縣北有義陽三關一曰平靖關一曰黃  
峴關一曰武陽關即古之大隧直轅冥阨也至傳定四年  
吳伐楚自淮

涉漢楚左司馬戊請還塞大隧直轅冥阨自後擊之大隧即武陽直轅即黃峴  
冥阨即平靖也三關又總名曰城口楚史皇所謂塞城口而入也冥亦作阨又



作郵皆又東為黃安縣有大活關白沙關又東為麻城  
諸苦育縣有穆陵關陰山關諸關依山為阻與荆山東西準  
望相直皆荆豫接界處 荆之南界越衡山之陽大  
抵及嶺而止史記曰秦有五嶺之戍晉地理志曰自  
北徂南入越之道必由嶺嶠時有五處故曰五嶺據  
水經注五嶺大庾最東為第一嶺在揚域餘皆屬荆  
第二騎田嶺在郴州南即黃安山亦名黃箱山今謂之嶺嶠水所  
出高千餘丈南接廣東陽山縣界北與南  
嶠嶺亦稱都龍嶺即黃嶺山第三都龍嶺在衡州府藍山縣南亦稱都龍嶺  
南接廣東連州界即德第四萌渚嶺在永州府江華縣南亦稱  
明謂都龍在九真大謬第五越城嶺在桂林府亦稱  
嶠嶺亦稱都龍嶺興安縣北五嶺之最西嶺也亦稱越城嶺嶺北一百三十  
里接寶慶府城步縣界經曰衡陽未知所極然酈氏  
有言古人云五嶺者天地以隔內外見水經注韓退之曰

衡之南八九百里地益高山益峻水清而益駛其最  
高而橫絕南北者嶺中州清淑之氣于是焉窮藉此  
表界差為近理耳 荆之東界準揚約略言之蓋自  
麻城黃岡踰江而南為武昌縣又西南為通山咸甯  
崇陽通城又南為瀏陽醴陵攸縣茶陵又東南為興  
甯桂東桂陽又西南為宜章皆與揚分界處也 荆  
之西界經無可見今據戰國時巴楚分地約略言之  
蓋自巴東踰江而南為建始施州麻陽沅州又東南  
為黔陽靖州通道以訖於興安與貴州廣西接界  
江漢朝宗于海

雖指傳曰二水經此州而入海渭案揚之三江入海  
無壅故禹於此州疏江決漢至大別合流雖去海尚  
遠而有朝宗之勢說者謂紀此以該彼非也 江水



自四川夔州府雲安縣東流經奉節巫山又東出巫  
峽至巴東縣入荆城又東經歸州夷陵宜都枝江松  
滋江陵公安澧州華容至安鄉會洞庭之水又東經  
巴陵沔陽臨湘嘉魚又東北至江夏西與漢陽分界  
漢水從西北來注之漢水自襄陽府宜城縣南流入  
荆城又南經鍾祥荆門又東南經潛江景陵沔陽又  
東經漢川又南至漢陽與漢水會又東歷武昌大冶  
至興國其北岸為黃州府之麻城與揚接界此禹在  
荆州所治也

### 九江孔殷

羅指孔傳云江于此州分為九道正義曰傳以江是此水大名謂大江分而為九猶大河分為九河也清陽記有九江之名雖名起近代義或當於陸氏釋文曰九江尋陽地記云一曰烏白江二曰蟠江三曰烏江四曰嘉靡江五曰吠江六曰源江七曰嘉靡江八曰提江九曰箇江張須元錄江圖云一曰三里江二曰九州江三曰嘉靡江四曰烏土江五曰白蚌江六曰白鳥江七曰箇江八曰沙提江九曰稟江參差隨水長短或百里或五十里始於鄂陵終于江口會于桑

洛州太康地記曰九江別以爲湖漢九水入彭蠡澤也謂案秦始皇滅楚以  
其都壽春置九江郡太史公曰余南登廬山觀禹疏九江淮南子曰禹鑿江而  
通九路地理志廬江尋陽縣下云禹貢九江在南皆東合爲大江王莽改豫章  
曰九江郡柴桑縣曰九江亭應劭曰江自尋陽分爲九郭璞江賦曰流九派乎  
尋陽自西漢以迄東晉皆言大江至尋陽分爲九郭璞江賦曰流九派乎  
江圖又備列其名元和志云江州尋陽郡禹貢揚荆二州之境揚州云彭蠡既  
豬今州南五十二里彭蠡湖是也荆州云九江孔殷今州西北二十五里九江  
是也彭蠡以東爲揚州界九江以西爲荆州界此亦遵舊說九江孔殷義而  
不言其處所諸家皆謂在尋陽其以洞庭爲九江者自宋初胡旦始而晁以道  
曾彥和皆從之朱子九江辨曰九江若曰派別爲九則江流上下洲渚不一今  
所計以爲九者若必首尾短長均布如一則橫斷一節從別爲九一水之閉當  
有一洲九江之閉沙水相閉乃爲十有七道于地將無所容若曰參差取之不  
必齊一則又不知斷自何許而數其九也况州渚出沒其勢不常江陵先有九  
十九洲後乃復生一洲是豈可以爲地理之定名乎此不可通之妄說也若曰  
旁計橫入小江之數則自岷山以東入于海處不知其當爲幾千百江矣此又  
不可通之妄說也日經文言九江孔殷正以見其吐吞壯盛活無津涯之勢決  
非尋常分派小江之可當又繼此而後及夫茫沓雲夢則又見其決非今日江  
州甚遠之下流此又可以證前二說者爲不可通之妄說也九江卽洞庭既自  
山水二經爲根據而又得朱  
子此辨其不在尋陽亦明矣  
曾氏說九江一曰沅二曰漸三曰無四曰辰五曰敘六曰酉七曰湘八曰資九  
曰澧朱子考定九江去無澧二水而易以瀟蒸一曰瀟江二曰湘江三曰蒸江  
四曰資江五曰沅江六曰漸江七曰敘江八曰辰江九曰西江案朱子據導江  
文江先合澧而後過九江故不數澧然澧實會南江以東注洞庭非上流自入  
江也安得而不數無字誤作元朱子以爲亡是水故置之古無瀟水酈道元云  
瀟者水清深也相中記曰湘川清照五六丈下見底石如檣蒲是納瀟湘之名

五禮通考卷三百三 體國經野



矣然則瀟湘猶言清湘非別有瀟源隋唐以後始謂瀟水出九疑山北合湘水  
是日瀟湘耳武陵零陵長沙之水皆入沅湘如蒸水者頗多金吉甫云榔水亦  
入湘舊不列九江未知與榔叙二水大小若何然則朱子所更定亦未有以見  
其為必然也善乎林少穎之言曰九江之名與其地世久遠不可強通然各自  
別源而下流入江則可以意曉也斯道通人之見傳同叙云九江不必求其有  
九如太湖一湖而得各五湖昭餘一澤而得各九澤皆不可以數求也此說  
本程泰之恐又不然當時必實有九水會同故以為名但水道通塞離合古今  
不常自戰國時唯有沅沅資微澧而名之五渚矣况後世乎與其出此入彼不  
若疑之  
為得耳

王氏鳴盛曰宋儒所據以辨尋陽之九江者其一則  
水經云江水東至長沙下雋縣北澧水沅水資水合  
東流注之酈道元云凡此諸水皆注于洞庭之陂然  
據桑酈說不足九數彥和乃益以漸無辰敘酉湘無  
論雜湊杜撰且道元明云是乃湘水非江川也是湘  
又為澧沅資等之經流今欲成九數強之使與齊列  
朱子又去無澧二水易以瀟蒸澧乃水經所有因與  
經又東至于澧過九江之文不合遂為刪去無水因

其字可疑亦并遭刪至于古無瀟水瀟湘猶言清湘  
而蒸水金吉甫亦疑之九峰又去瀟蒸益以澧元徧  
檢羣書別無元水漢志武陵無陽縣無水自受故草蘭南入沅是家  
儒所說彼一九江此一九江迄無定論林少穎傳同  
叔程泰之則儻侗泛指不列九名胙明遂謂不若闕  
疑之為得夫因九江之無考欲舉而歸之洞庭因洞  
庭之九水不可定遂欲舉而歸之闕疑何如仍用注  
疏之為安也其一則山海經云洞庭之山帝之二女  
居之是常遊于江淵澧沅之風交瀟湘之淵是在九  
江之閒似可引據然郭景純傳引地理志九江今在  
尋陽南江自尋陽而分為九皆東會于大江書曰九  
江孔殷是也景純江賦云流九派于尋陽正指此則  
安知所謂九江者非神女出遊所至之地而遽違景



純舊說乎又彥和引楚地記巴陵瀟湘之淵在九江  
之閒徧檢隋經籍唐藝文及鄭氏藝文略地理門如  
豫章記尋陽記九江新舊錄洞庭譜巴陵古今記等  
書無不備載獨無所謂楚地記者特取山經之文隱  
其名別撰楚地記之目而又妄加巴陵二字耳臚明  
未審疑楚地記本之山經者非也是則彥和等說之  
所據細為細繹皆成子虛亡是又何足依據哉導江  
文云過九江至于東陵案漢志廬江郡金蘭西北有  
東陵鄉淮當作水出水經江水又東逕西陵縣故城南  
括地志西陵故城在黃州黃岡山西二里酈注史記秦昭王遣白起伐楚取西陵  
者也下云又東過蕪春縣南又東過下雉縣北刊水  
從東陵西南注之酈注水出廬江郡東陵鄉江夏有  
西陵縣故是言東矣尙書云江水過九江至于東陵

者也又云灌水導源廬江金蘭縣西北東陵鄉大蘇  
山褚先生所謂神龜出于江灌之閒書九江納錫大  
龜謂此廬江郡常歲生龜長尺二寸者二十枚輸太卜官臚明以蓼縣在光州固始  
北灌水出金蘭西北東陵鄉東北至蓼縣入決水則  
金蘭在固始西南直黃梅之北其說頗精乃欲從宋  
儒說復以三事折之東陵去江太遠一非也江自巴  
陵至沙羨卽迤北使東陵在金蘭則是先迤北而後  
至東陵二非也江漢朝宗盡之矣復出九江孔殷不  
亦贅乎三非也案溯源而論以黃梅西北推之似東  
陵去江本遠然江過下雉北而刊水卽從東陵西南  
注江則去江固不甚遠也至古人書法原無一定先  
言至東陵而後總之以迤北先言朝宗而繼言九江  
孔殷無所不可若先言入海而其下復言洞庭不更



顛倒乎臆明又以九江卽春秋江南之夢而下云雲  
土夢作又不更複疊乎是可知廬江東陵與江夏西  
陵相爲東西亦確有可據矣彥和云巴陵與夷陵相  
爲東西夷陵亦曰西陵則巴陵爲東陵可知案巴陵  
爲東陵此言經史所無固不足辨况巴陵之名晉太  
康元年所立而沈休文宋書州郡志云夷陵漢舊縣  
吳改曰西陵則禹時尙不知後世有西陵巴陵之名  
而以此證巴陵卽東陵可乎

蕙田案九江有三說一以爲在尋陽一以爲  
湖漢九水一以爲洞庭湖主湖漢者始於劉  
歆而太康地記引之夫湖漢受鄱餘修淦盱  
蜀南彭八水由彭蠡以入江與江之經流本  
不相涉且經云過九江而後云東迤北會于

匯如歆所云則九江卽匯矣其非禹貢之九  
江不待辨也主尋陽者出于漢書地理志自  
唐以前儒者皆從之主洞庭者出于胡旦晁  
說之曾旼而朱子蔡傳皆用其說胡臆明亦  
篤信之兩說相持迄無定論今以經文證之  
經云江漢朝宗于海九江孔殷江漢合而東  
流至尋陽始別爲九經所云朝宗者荆江之  
上流所云孔殷者荆江之下流而後云沱潛  
旣道則江漢之支流也先後次第經文歷歷  
不紊若洞庭又在漢口之上游不得先云朝  
宗後云孔殷也經云九江納錫大龜通典云  
廣濟縣蔡山出大龜書云九江納錫卽此褚  
先生亦云神龜出于江灌之閒灌水出東陵



鄉而南距大江故云江灌之閘而洞庭不聞有之也經云過九江至于敷淺原漢志以豫章歷陵縣之傅陽山當之胡朏明引孫放廬山賦臨彭蠡之澤接平敞之原以為卽廬山東南之麓瀕于彭蠡澤者其地與尋陽不遠亦當爲尋陽之九江也經云過九江至于東陵攷水經江水東逕下雒縣北刊水從東陵西南注之酈注云江夏有西陵縣故是言東矣尙書過九江至于東陵者也漢西陵縣在今黃州府蘄州西下雒縣在今武昌府興國州東然則東陵直蘄州之東當在今廣濟縣境而與隔江興國州東境南北相直也漢書地理志廬江郡金蘭西北有東陵鄉淮水

出水經注灌水導源廬江金蘭縣西北東陵鄉大蘇山金蘭故縣今雖無考然東陵在蘄州之東而金蘭又在其東南其地當近黃梅去東陵不遠也胡朏明以金蘭在固始西南既屬臆測而又謂金蘭之東陵去江六百餘里不更誣乎宋儒主洞庭者以東陵爲巴陵然巴陵之名古所未有指爲東陵更屬附會且經云又東至于澧過九江澧水東注洞庭爲九水之一而又別云九江不已復疊乎至于九江之名尋陽記緣江圖所載不同大率起于後代固未可盡信然緣江圖云始于鄂陵終于江口會于桑落洲鄂陵今武昌縣昌府治桑落洲今在九江府城東北是則今之



武昌縣以東九江以西皆古九江故道矣淮南子禹鑿江而通九路說苑禹鑿江而通九派太史公曰余登廬山觀禹疏九江而孔安國亦云江于此州分爲九道在漢以前九江故道尚存故言之鑿鑿如此夫大江分而爲九猶大河分爲九河也九河九江其故道俱無存者論者不以疑九河而獨疑九江之難信何哉 宋儒主洞庭者以山水二經爲根據水經云九江地在長沙下雋縣西北東陵地在廬江金蘭縣西北今武昌府蒲圻通城二縣漢下雋縣地洞庭湖乃在其西南不得云西北也至于東陵則又不從水經而別以巴陵當之然巴陵在下雋之上游卽以東陵

爲巴陵當先云東陵而後云九江矣山海經之文說經者所不道其云澧沅之風交瀟湘之淵是在九江之閒郭景純注云九江今在尋陽南又引禹貢九江孔殷以證之則郭亦不以洞庭爲九江矣山經又云湘水出舜葬東南陬入洞庭下沅水入下雋西合洞庭中則洞庭自洞庭九江自九江在山海經亦未嘗合而爲一也然則宋儒所據二經之文又惡足信哉 總之以九江爲洞庭於古旣無可據又與導江之文不合自當從古注疏以在尋陽者爲是或疑尋陽爲揚州之境不屬荊州案元和志云江州尋陽郡禹貢揚荊二州之境彭蠡以東爲揚州界九江以西爲荆



州界則二州分界固自截然况漢之尋陽本在江北蕪春郡界而九江之分始於鄂陵尚在尋陽以西其在荆州之境明甚又何疑焉胡朏明雖指于水道極為精核獨此一條尚有遺議今備載諸說復為辨正如右後之言九江者庶有考云

沱潛既道

錐指傳云沱江別名正義曰導江言東別為沱是沱為江之別名也釋水云水自江出為沱漢出為潛渭案詩召南曰江有沱荆州之沱也一在江北寰宇記江自枝江縣百里洲首派別北為內江者是一在江南水經注夷水出魚復縣江至夷道縣北東入江者是潛水或云在今安陸府鍾祥潛江一縣境然漢東

之地津渠交通未知孰為古潛水黃文叔云自後世

通渠漢川雲夢之際禹跡固多湮沒誠然 水經注

江水自夷道縣北今宜都縣西有夷道故城又東逕上明城北晉荆州刺史桓溫築此城

稱今枝江縣東北六十里有百里洲延表地理志曰江迤出西南

東入江是也志無南字疑此衍江水又東會沮口又南逕江陵

縣南縣江有洲號曰枚迴洲洲在縣西南六十里枚或作枝江水自此兩

分而為南北江寰宇記云百里洲首派別南為外江

北為內江王晦叔云枝江縣百里洲夾江范二水之

間其與江分處謂之上沱與江合處謂之下沱渭案

南江在古時為岷江之經流北江為沱南江自枝江

縣南又東逕公安縣西又東南流為涪水隋志涪縣有涪水蓋東與公安

界安接九歌望涪陽兮極浦橫大江兮揚靈王逸注云涪



陽江碕名附近郢卽此水之北也涪水入澧州界爲  
四水口歷州之東北又東南合澧水經華容縣南入  
赤沙湖又東南逕安鄉縣西而東南入洞庭湖與北  
江會此卽禹導江東至于澧過九江至于東陵之道  
也北江自枝江縣北又東逕松滋縣北又東逕江陵  
縣南又東逕公安縣北又東逕石首縣北又東逕監  
利縣南夏水出焉北江又東至巴陵縣西北會洞庭  
之水此卽江北之沱寰宇記所謂內江者也其後北  
江之流漸盛而南江日微世反以南爲沱北爲江說  
者遂謂東至于澧不可解以澧水北去江二百餘里  
故也

地理今釋荆州之沱有二說漢書地理志云南郡枝  
江縣今屬湖廣荆州府江沱出西東入江顏師古曰沱卽江別

出者也水經江水東逕上明城北注云其地夷敞北  
據大江江汜枝分東入大江縣治洲上故以枝江爲  
稱是古枝江縣有沱水也今不可考又孔穎達正義  
引鄭注云華容有夏水首出江尾入沔此所謂沱也  
夏水自今荆州府江陵縣東南首受江水曰中夏口  
經監利縣沔陽州界入漢水以其冬竭夏流故名夏  
水其在梁州者則今四川成都府郫縣沱江是江在  
縣北六里一名郫江至瀘州入大江其上流爲成都  
府灌縣蔡傳所謂永康軍導江縣也潛水一在今安  
陸府潛江縣東由蘆洲分流通城東南一支通順  
河入沔陽州境今淤一支南流至拖船埠入漢水此  
荆州之潛也禹貢錐指曰韻會潛水伏流也荆州之  
潛雖不如龍門石穴之奇亦必漢水伏流從平地涌



出故謂之潛今漢水之分流者名蘆泐宜取伏流之意以爲古潛水庶幾得之蓋禹時本自伏流涌出復入于漢及乎後世通渠漢川雲夢之際則開通上源以資舟楫之利禹迹遂不可知耳一在今四川保甯府廣元縣亦名龍門水自朝天驛北穿穴而出入嘉陵江此梁州之潛也郭璞爾雅音義云有水從漢中沔陽縣南流至梓潼漢壽入大穴中通峒山下西南潛出一名沔水舊俗云卽禹貢潛也又四川順慶府渠縣東有潛水渠縣蔡傳所謂渠州流江縣也

雲土夢作又

雖指傳曰雲夢之澤其中有平土邱水去可爲耕作畎畝之治正義曰此澤旣大其內平土有高邱也渭案雲土夢漢書作雲夢土史記水經注竝作雲土夢

沈括筆談云石經倒土夢字唐太宗得古本尙書乃雲土夢作又詔改從古本雲夢澤名也方八九百里之中有澤有湖有土而江沱潛漢亦灌注于其閒職方主藪澤禹貢主土田 雲夢經傳諸書有合稱者有單稱者周禮荊州藪澤曰雲夢爾雅十藪楚有雲夢呂覽淮南子同戰國策楚王遊於雲夢結駟千乘宋玉高唐賦曰楚襄王與宋玉遊於雲夢之臺司馬相如子虛賦曰雲夢者方八九百里此合稱雲夢者也左傳定四年楚子涉睢濟江入于雲中此單稱雲者也宣四年邾夫人棄子文于夢中昭三年楚子以鄭伯田江南之夢宋玉招魂曰與王趨夢兮課後先此單稱夢者也單稱特省文耳雲可該夢夢亦可該雲故杜元凱注夢中云夢澤名江夏安陸縣東南有



雲夢城則夢在江北注雲中云入雲夢澤中所謂江南之夢則雲在江南注江南之夢云楚之雲夢跨江南北則南雲北夢單稱合稱無所不可絕無江北為雲江南為夢之說自唐太宗詔改此經為雲土夢作父而穎達引左傳以為之說曰此澤亦有單稱雲單稱夢經之土字在二字之間蓋史文兼上下也司馬貞史記索隱亦云雲夢本二澤人以其相近或合稱雲夢宋沈括羅泌易祓郭思鄭樵洪邁洪興祖等襲其說而為之辯曰雲在江北夢在江南而古注棄若塵羹矣蘇子瞻申疏意云雲與夢二土名也而云雲土夢者古語如此猶曰元織縞云爾此於文義頗不順故王氏更為之解曰雲之地土見而已夢之地則非特土見草木生之人有加功父之者矣蔡氏云雲

夢之澤地勢有高卑故水落有先後人工有早晚也自後無不遵此說今案史記賈誼傳云長沙卑濕巴陵故長沙下雋地也諸湖萃其西南安得為特高江北雖亦有湖澤然楚都及漢東諸國皆在焉豈反卑於江南此事理之難信者若從石經本則傳云澤中有土可以耕作義甚愜當愚嘗反復于斯而覺太宗此一改殊多事不若仍舊之為得也

地理今釋漢書地理志云南郡華容縣見前注雲夢澤在南荆州今安陸府有雲夢宮又江夏郡西陵縣今黃州府有雲夢宮水經注云雲杜縣今安陸府東北有雲夢城又夏水東逕監利縣今屬荆南縣土卑下澤多陂陲西南自州陵今安陸府東逕于雲杜沌陽今漢陽府為雲夢之藪杜預云枝江縣今屬荆安陸縣今屬德有



雲夢城蓋跨川巨隰兼包勢廣矣元和志云雲夢澤在安陸縣南五十里又云雲夢澤在雲夢縣今屬德安府西七里然則東抵蘄州西抵枝江京山以南青草以北皆為古之雲夢正義所謂雲夢一澤而每處有名者也

胡氏渭曰荆州之建國春秋時可考者楚夔賈權邲

邲鄭州左傳桓十一年州夢伐楚師杜註云州同羅貳軫凡九國戰國

時屬楚而韓秦亦少得其地秦并天下置南郡黔中

長沙南陽東漢復置荆州領郡八後漢魏晉竝因之晉領郡十九

唐為山南東道之江陵州竟陵復富水郢齊安黃漢

陽沔夷陵峽巴東歸等郡江南西道之江夏鄂巴陵

岳長沙潭衡陽衡零陵永江華道桂陽郴邵陽邵武

陵朗豐陽豐等郡黔中道之黔中黔甯夷思涪川費

盧溪辰盧陽錦靈溪溪潭陽平清江施播州播夜郎

珍義泉夷龍標業溱溪溱等郡又淮南道之安陸安

義陽中及嶺南道之連山連等郡案以上通典所列

連山郡當出隸古南越騎山嶺北為桂陽嶺南為連山連山亦古南越地不當入荆域黔中甯

夷涪川播川夜郎義泉溱溪七郡皆梁南徼外蠻夷

非古黔中地不在九州之限元和志云黔州本漢涪陵縣理晉永嘉後地沒蠻夷經二百五十六年至

周保定四年涪陵蠻帥田恩鶴以地內附因置秦州建德三年改為黔州大業三年又改為黔安郡因周隋州郡之名遂與秦漢黔中地大牙難辨其秦黔中

郡所理在今辰州西二十里黔中故郡城是漢改黔中為武陵郡移理義陵即今辰州敘浦縣是後魏移治臨沅即今州是今辰錦敘獎溪澧朗施等州實秦

漢黔中之地而今黔中及夷費思播隔越峻嶺東有沅江水及諸溪並合東注洞庭湖西有延江水一名涪陵江自牂柯北歷播費思黔等州北注岷江以山

川言之巴郡之涪陵與黔中故地炳然分矣然則此五州及珍臻二州皆梁南徼外蠻夷亦敘澧重慶之江南諸縣及遵義府是也其東有峻嶺為限荆不當

越此而西十八六七百里總因黔中名亂嶺東嶺西諸州混而為一道杜氏遂有此誤敘州即巫州夔州即業州也又有當來屬

者豫域襄陽之南漳漢東之光化及南越始安郡全

義縣嶺北之地是也全義今為興安縣屬廣西桂林府文獻通考云自荔浦以北為楚以南為越今靜江有中州清

五禮通考卷三 禮國經野



淑之氣荔浦相距纔百餘里遂入瘴鄉是天所以限楚越也此蓋就當時風氣言之近志遂以桂林平樂一府為禹貢荆州之域恐未必然杜氏以始安平樂屬古南越為是唯全義縣嶺北之地當入荆域以今輿地言之湖廣武昌漢陽安陸

荆州岳州長沙衡州常德辰州寶慶永平十一府郴

靖二州施州衛其襄陽府則唯南漳縣德安府則安

陸雲夢孝感應城應山及隨州之南境廢光化縣地

黃州府則黃岡麻城黃陂黃安四川則夔州府之建

始廣西則桂林府之全州本漢零陵縣屬零陵郡隋改置湘源縣唐屬永州五代晉改曰清湘于縣置全

州明省縣入又改屬桂林及興安縣嶺北之地縣在府東北一百二十里越城嶺在縣北三里皆古荆

州域也

右禹貢徐揚荆三州

五禮通考卷第二百二

五禮通考卷第二百三

內廷供奉禮部侍郎詹曠秦蕙周編輯翰林院編修嘉慶錢大昕 參校

李太保總督魏翥觀桐城方觀承同訂直隸按察司副使元和宋宗完

嘉禮七十六

體國經野

書禹貢荆河惟豫州

錐指傳曰西南至荆山北距河水曾氏曰臨沮之荆

山其陰為豫州其陽為荆州渭案河南河也其不言

南者蒙上至于南河省文也荆山主南言傳不當兼

西亦猶青之岱主南言不當兼西也 豫之南界亦

判自南漳縣之荆山西起保康歷宜城棗陽及隨州

之北境故隨縣地川之南境廢光化縣地入荆域又東為信陽羅山皆與

荆接界處也 豫北濱冀之南河其西與華陰接華



陰雍域也案職方豫州山鎮曰華山通典云即今華陰郡山連延東出故屬豫州九域志云華山四州之際東北冀東南豫西南梁西北雍十字分之四隅為四州也豫之北界由華山而東為閩鄉靈寶陝州澠池新安洛陽孟津鞏縣汜水河陰滎陽滎澤又東北為陽武延津皆在南河之南陽武自元時河從原武決而東南流始為河北地又東北抵濬縣大伾山冀兗豫三州之交也 豫東接兗徐揚三州之界自封邱而東為長垣東明又東為考城定陶曹縣城武單縣與兗接界又南為夏邑永城亳州潁州又東為潁上蒙城皆在淮北與徐接界自潁州以西為商城息縣真陽踰淮而南為信陽與揚接界 豫西自閩鄉以南為盧氏鄖縣及鄖西之東境故鄖縣地與雍梁接界豫居中央為輻輳之地接

界者七州唯青為兗徐所隔與豫不相接云

伊洛漣澗既入于河

錐指傳曰四水合流而入河正義曰地理志云伊水出宏農盧氏縣熊耳山東北入洛洛水出宏農上洛縣冢領山東北至鞏入河漣水出河南穀城縣潛亭北東南入洛城志作成潛志作管澗水出宏農新安縣東南入洛伊澗澗三水入洛合流而入河傅氏曰導洛言東北會于澗澗又東會于伊序水之次第此言伊洛澗澗乃治水之先後渭案漢上洛縣即今陝西西安府商州治盧氏新安二縣今屬河南府穀城故縣在今洛陽縣西北 今盧氏嵩縣伊陽伊陽屬汝川以伊水與嵩縣分界洛陽界中皆伊水之所經也商州盧氏永寧宜陽洛陽偃師鞏縣界中皆洛水之所經也近世乃過汜水縣北入



河則洛口又移于東矣

地理今釋伊水出今河南河南府盧氏縣熊耳山縣志

謂伊水出閭頓嶺之陽者古熊耳盤甚甚廣閭頓亦熊耳也至偃師縣南入洛洛水出今陝

西西安府雒南縣冢嶺山至河南鞏縣東北入河漣

水出今河南府洛陽縣西北穀城山至縣東入洛澗

水出今河南府澠池縣東北白石山至洛陽縣西南

入洛

胡氏渭曰洛誥周公曰我乃卜澗水東漣水西惟洛

食謂王城也我又卜漣水東亦惟洛食謂下都也漢

志漣水出河南穀城縣替亭北東南入雒後漢志漣

水出河南穀城縣劉昭引博物記曰出替亭山括地志

城在河南縣西北十八里苑中西臨穀水左傳定八年周大夫詹黼叛單子伐穀城即此漢穀城縣魏省入河南縣自故縣西北又三十一里有穀城山東連孟津縣界即博物記所謂替亭山也水經漣水出河南穀城縣北山東與干

金渠合又東過洛陽縣南又東過偃師縣又東入于

洛注云縣北有替亭漣水出其北梓澤中厯澤東而

南水西有一原其上平敞古舊替亭之處潘安仁西

征賦所謂越街郵者也漣水又東南流注于穀穀水

自千金塢東注謂之千金渠也渭案王城即邽邑漢

為河南縣其故城在今洛陽縣西北後漢志云河南周公所

成下都即成周漢為洛陽縣河南郡治其故城在今

洛陽縣東北二十里後漢志云雒陽二城東西相去四十

里而今洛陽縣居其中隋大業初營新都始移二縣于古時澗

水經河南故城西入洛漣水經河南故城東入洛故

澗水東漣水西為王城而漣水東為下都洛誥之文

甚明也自周靈王壅穀水使東出於王城之北則其

勢必入于漣水而合流厯王城之東以南注于洛時



二水猶未經洛陽城也迨東漢建都於此自河南縣東十五里之千金壩引水繞都城南北以通漕而漚水始與穀水俱東注矣古時漚不合澗亦不過洛陽縣南而東至偃師也

滎波既豬

雖指正義曰沈水入河溢為滎滎是澤名鄭云今塞為平地滎陽民猶謂其處為滎澤在其縣東馬鄭王本皆作滎播謂此澤名滎播涓案地理志沈水出河東垣縣王屋山東南至武德入河軼出滎陽北地中蓋即滎澤經所謂溢為滎也今河南開封府滎澤縣本漢滎陽縣地隋分置滎澤縣澤在其縣南而班云出縣北鄭云在縣東者蓋滎陽故城在今縣西南班鄭據以為言澤起縣北歷其東也

所地移

地理今釋滎波即滎澤在今河南開封府滎陽縣南三里古城村案孔安國傳云滎澤波水已成遏豬正義曰鄭云今塞為平地滎陽民猶謂其處為滎澤在其縣東蓋濟水伏流地中絕河而南溢為巨澤禹貢雖指云閻百詩云案馬鄭王本波並作播伏生今文亦然孔安國解作一水非二水以為二水自顏師古始宋林之奇本之引周職方豫州其川滎雖其浸波差爾雅水自洛出為波別滎波為二水蔡氏因之然案圖究義一為濟之溢流一為洛之支流以滎波為二水終無是處傳氏寅曰上文言導洛此則專主導濟言不當又泛言洛之支水職方所記山川非治水次第不必泥也山海經婁涿之山波水出於其陰北



流注於穀水今本作陂郭璞云世謂之百谷水非屬  
波水證一惟酈注引作波然亦出於山不出於洛非  
屬波水證二水經洛水又東門水出焉注云爾雅所  
謂洛別爲波也惟此堪引然余考門水下流爲鴻關  
水今謂之洪門堰在商州洛南縣東北至靈寶縣而  
入河何曾見水豬爲澤乎非屬波水證三百詩此論  
精覈且職方豫州之波出魯山縣鄭注謂卽滎播固  
非而洛南之波水則與滎澤相距五六百里中隔大  
山豈可總撮而言之曰滎波旣豬乎其說極詳引之  
以證林氏之失

導荷澤被孟豬

雖指正義曰地理志云荷澤在濟陰定陶縣東孟豬  
在梁國睢陽縣東北左傳爾雅作孟豬周禮作望諸

聲轉字異正是一地也周禮青州澤藪曰望諸此乃  
屬豫者周無徐徐并於青青在豫東故得兼有孟豬  
定陶今屬山東兗州府之曹州其故城在今縣西北  
四里睢陽今爲商邱縣河南歸德府治其故城在今  
治南二里通典云荷澤在曹州濟陰東北九十里故  
定陶城東北宋州虞城縣有孟豬澤元和志云孟豬  
澤在虞城西北十里周迴五十里今在商邱東北接  
虞城界也

地理今釋荷澤古濟水所匯當在今山東兗州府曹  
州東南及定陶縣界孟豬周禮作望諸史記作明都  
澤今河南歸德府商邱虞城二縣界有孟豬臺寰宇  
記云虞城孟諸澤俗呼爲滄臺蓋澤中有臺也  
胡氏渭曰周禮青州澤藪曰望諸爾雅十藪宋有孟



豬左傳僖十八年楚子玉夢河神賜以孟諸之麋文  
十年宋道楚子田孟諸杜預曰宋大藪也水經注云  
尚書曰導菏澤被孟豬孟豬在睢陽縣東北闕駟十  
三州記曰不言入而言被者明不常入也水盛方乃  
覆被矣寰宇記云虞城孟豬澤俗呼為滑臺蓋澤中  
有臺也滑案今虞城縣西北十里有孟諸臺接商邱  
縣界即此爾雅水草交曰麋麋古滑字臺蓋以孟諸  
之麋得名也自元至元二十三年以後歸德府城南  
北屢被黃河衝決禹迹不可復問然余考漢書梁孝  
王傳築東苑方三百里則孟諸澤皆在其中矣孝王  
大治宮室臺榭陂池高高下下澤形盡失故酈元於  
睢陽故城絕不言孟諸而敘臺池甚詳蓋澤之畔岸  
蕩夷無存久矣元和志云周迴五十里亦彷彿言之

耳

又曰豫州有古太皞祝融之虛及帝嚳成湯所都虞  
舜後即少康所都 戈邳封葛三醜諸國皆在焉春秋時可考者

管蔡邾曹鄭東虢西虢凡蔣祭祀宋焦申許蓼  
楚子穀曰武王克州蓼即此一作蓼漢志南陽縣故蓼國吳房縣故房國楚靈王所滅 密隨厲唐戴沈息房  
周語內史過曰昭王娶于房後漢志汝南 滑郟都穀鄧賴項頓胡江黃道柏州來絞

蠻陸渾凡四十一國戰國時屬宋魏韓而秦楚亦兼  
得其地秦并天下置三川碭郡潁川南陽  
東境北 南郡

北境漢復置豫州  
領郡國五其今河南南府陝郡宏農之地是 後漢為司  
隸治河 豫州 郡國六 魏因之晉分置司州  
領郡十一豫州領郡國十 唐為都

畿之河南府 州 洛 陝郡 臨汝 滎陽 等郡河南道  
之陳畱 睢陽 宋 濟陰 曹 譙郡 潁川 許 淮陽 陳 汝  
陰 汝南 等郡山南東道之淮安 南陽 襄陽



襄漢東隨武當均等郡及河東道之宏農郡案以  
上通典所列濟陰之乘氏當往屬兗襄陽之南漳漢  
東之光化當往屬荆又有當來屬者兗域靈昌之匡  
城梁域上洛之上津東境廢長利縣地是也以今輿  
地言之河南則河南開封歸德南陽汝寧五府及汝  
州直隸則大名府之東明長垣山東兗州府之定陶  
曹縣城武單縣江南則鳳陽府之潁州潁上太和毫  
州蒙城湖廣則襄陽府之襄陽光化宜城棗陽穀城  
均州鄖陽府之鄖縣保康及鄖西之東境德安府隨  
州之北境皆古豫州域也

華陽黑水惟梁州

雖指傳曰東據華山之南西距黑水曾氏曰華山之  
陰為雍州其陽為梁州則梁州之北雍州之南以華

為畿禮注而梁實在雍州之南矣薛氏曰梁州北界  
華山南距黑水黑水今瀘水也酈道元說黑水亦曰  
瀘水若水馬湖江出姚州徼外吐蕃界中東北至敘  
州宜賓縣入江也渭案華即西岳華山地理志京兆  
華陰縣南有太華山在今陝西西安府華陰縣南八  
里華陽今商州之地是也黑水諸家遵孔傳謂出雍  
歷梁入南海為二州之西界故其說穿鑿支離不可  
得通唯韓汝節疑梁州自有黑水為界與導川之黑  
水不相涉而不謂薛士龍已先得之蓋古之若水即  
禹貢梁州之黑水漢時名瀘水唐以後名金沙江而  
黑水之名遂隱然古記閒有存者地理志滇池縣有  
黑水祠一也山海經黑水之間有若水二也水經注  
白朱提音殊至音殊焚道有黑水三也輿地志黑水至焚道



入江四也今瀘水西連若水南界滇池東經朱提熨道其為梁州之黑水無疑矣故斷從薛氏以南北易孔傳之東西亦甚明確也姚州本漢弄棟青蛉遂久三縣地弄棟屬益州郡青蛉遂久屬越嵩郡今為雲南之姚安府宜賓本漢熨道縣健為郡治今為四川敘州府治孔疏云周禮職方氏華山在豫州界內此梁州境東據華山之南不得其山故言陽山之西則雍州境也竊謂職方九州之山川與禹貢不同雍既有嶽山為鎮故華屬豫今以禹貢之太華為豫州山彼兗之鎮曰岱亦將以禹貢之岱為兗州山乎其不可也明矣蓋境上之山非一州所得專青徐共是岱荆豫共是荆而太華則雍梁豫共之華北為雍華南為梁華東為豫豫雖不言西界觀雍梁可見也九域志云華山四州之際東北冀

東南豫西南梁西北雍十字分之四隅為四州此言實獲我心然冀境三面距河華山在河外冀又與三州微別耳漢志若水出蜀郡旄牛縣微外南至大苳入繩今黎大所南有旄牛故城即漢縣師古曰西南之微猶北方塞也繩水出越嵩郡遂久遂久蜀漢改屬雲南水經注若水出蜀郡旄牛微外東南至故關為若水司馬相如傳曰略定西南夷通關益斥西至沫若水又曰關沫若水故有關也山海經曰南海內黑水之閒有木名曰若木若水出焉若水沿流閒關蜀土黃帝長子昌意降居斯水為諸侯娶蜀山氏女生顓頊於若水之野若水東南流鮮水注之一名州江大度漢志鮮水出旄牛微外南入若水又南逕越嵩郡都縣有嵩水西有嵩水置越嵩郡治印都縣言越此水以章休盛也縣故印都國越嵩水即繩若矣又有溫水冬夏常熱昔李曠敗李流于溫水是也案此溫水溪流不遠非漢志詳柯鐘封縣下之溫水東至廣鬱入鬱者金古甫謂漢志以瀘為溫字從省誤非也印都唐為嵩州越嵩縣今建昌衛四川行都司治領營四會川鹽井冕山越



又南逕大祚縣入繩繩水出微外山海經曰巴遂之山繩水出焉東南流逕鬚牛道至大祚與若水合自

下亦通謂之繩水又南逕會無縣元和志云會無縣北至馬州三百七十里本漢會無縣也今為會川營地興孫水

合孫水出臺登縣一名白沙江南流逕都縣司馬相如定西夷橋孫水即此又南至會無入若水也漢志臺登縣孫水南至會無入若行七百五十

里元和志雋州臺登縣正南微西至州一百七十里念諾水本名繩水流入瀘水在縣西北七百里自羌戎界流入長江水本名孫水出縣西北胡恒山下今

北有孫水繩水南經雲南郡之遂久縣蜻蛉水入焉屬越

舊蜀漢建興三年分益州永昌置雲南郡以遂久屬蜻蛉水出蜻蛉又逕

三絳縣西三絳一曰又逕姑復縣北對三絳淹水注之淹水出遂久

蜻蛉縣又東過姑復縣南東入于若水案漢志又東與母血水合漢志

會無臺登遂久蜻蛉三絳姑復並屬越屬郡又東涂水注之漢志

郡弄棟縣東農山母血水出北至三又東北至健為朱提縣西為瀘江水後漢書建武

入繩過郡二又東北至健為朱提縣西為瀘江水後漢書建武

將軍劉尚擊西夷反者棟蠶度瀘水入益州郡注云瀘水朱提山名應

劭曰在縣西南以氏焉犍為屬國也在郡南千八百

許里建安二十年立朱提郡治縣故城尋廢諸葛亮南征復

置自梁陳已來不復

黃屬隋開置茶州唐改為曲州元和志云曲州南北四百里東西七百

密務未嘗親日月輝光樹木皆衣毛深厚時多水淫晝夜沾灑上無飛鳥下

絕走獸惟夏月頗有蟻郡西南二百里得所縮堂琅縣西北行

蛇土人呼為漏天也羊腸繩屈八十餘里或攀木而升或繩索相牽而上緣陟者若將階天案後漢

志無堂琅益省入朱提也劉昭曰朱提縣西南有堂琅山多毒草盛夏之月飛

鳥過之不有瀘津東去縣八十里水廣六七百步深十

數丈晉明帝太監二年李曠等侵越巂攻臺登縣蓋州刺史王遜遣將

車姚岳擊之戰于堂琅驤軍大敗追之至瀘水赴水死者千餘人兩

岸皆山高數百丈瀘峰最為高秀孤高三千餘丈是山

康中崩震水之左右馬步之徑裁通而時有瘴氣三月

四月份之必死非此時猶令人悶吐五月以後行者

差得無害故諸葛亮表言五月渡瀘也自朱提至犍

道有水步道有黑水羊官水三津之阻行者苦之又

有牛叩頭馬搏頰坂其艱嶮如此也若水逕越嚮之

馬湖縣又謂之馬湖江馬湖縣今為四繩水瀘水孫水淹

水大渡水隨決入而納通稱是以諸書錄記羣水或



言人若又言注繩亦咸言至棘道入江華陽國志云棘道治馬湖江會水通越雋

正是異水沿注通為一律更無別川可以當之今案

府縣圖志若水在建昌衛俗名打沖河自冕山營西

微外營故置番衛在建昌衛東北東南流至衛西鹽井營東南與雲南

金沙江合營在衛西元和志雋州昆明縣東北至州三百里本漢定管縣也出鹽鐵夷皆用之漢將張巖殺其豪李遂獲鹽鐵之利鹽井

江源出吐蕃界至其龍山犛牛石下南流漸廣本名

犛水後訛為麗水東南流經麗江府北又東經姚安

府北即鹽井衛東南合打沖河又東合瀘水又東經衛川營南

通典衛川縣有瀘水五月渡瀘即此元和志雋州南至瀘渡四百五十里又東至東川府西折而東北

經烏蒙府西北又東北經馬湖府南又東經敘州府

南而北入大江雲南無水路行者以為艱惟由蜀浮金沙江可以直達南中明正統嘉靖降慶時屢議開通而不果行至天啟

時安會倡亂貴陽道阻復議開通按察使莊祖誥議云自金沙江巡檢司開由

白馬口歷普隆紅巖石刺鮮至廣越塘皆祿勸州地其下有三灘水溢設石乃

可放舟湖則躡岸躡空舟以行又歷直勒村罵刺土色皆會禮州地其下有雞

心石石如堆者三累巖江中舟者相水勢緩急可行又歷照亂得頭峽刺鮮

至粉壁灘甚駛皆東川地又歷驛馬河新灘至虎跳灘陰溝洞皆巧家地虎跳

大小流灘為蠻夷司地又歷黃郎木鋪貴溪寨灘至南江口為烏蒙府地始

安流自廣越塘至南江木商行之可十日又至文溪鐵索江漫數灘歷麻柳灣

教化巖為馬湖府地又歷洩灘蓮花三灘會溪石角灘至敘州府其說甚詳鹽井營東南蓋即漢大笮

縣界繩若合流處若為建昌衛西之打沖河繩則姚

安府北之金沙江也此水禹無可致力不用循行故

所道惟雍州之黑水瀘本作盧如盧弓盧矢盧橘

之類皆訓黑劉熙釋名土黑曰盧沈括筆談云夷人

謂黑為盧漢中山盧奴縣有盧水酈道元云水黑曰

盧不流曰奴尤盧水為黑水之切證也牧誓八國有

盧人疑即居盧水上者其字後加水作瀘章懷太子

注後漢書云瀘水一名若水則瀘若似非異源而酈

元引益州記曰瀘水源出曲羅舊下三百里曰瀘水



兩峰有殺氣暑月舊不行故武侯以夏渡爲艱瀘水又下合諸水而總其目焉故有瀘江之名矣據此則瀘水自出曲羅舊其地當在若水之東下流合若水故若水兼瀘水之目所謂隨決入而納通稱者也元和志云雋州西瀘縣東北至州二十七里本漢邛都縣地瀘水在縣西一百十二里水峻急而多石土人以牛皮作船而渡一船勝七八人蓋卽曲羅舊出之瀘水也考其源流不出漢越雋犍爲二郡界而杜氏通典云吐蕃有可跋海去赤嶺百里方圓七十里東南流入西洱河合流而東號漾濞水又東南出會川爲瀘水瀘水卽黑水也程大昌金履祥之說皆出於此漾濞水見唐書在今大理府西百里西洱河卽葉榆河也出大理鄧州點蒼山匯爲巨湖周二百里

亦曰西洱海今案水經注葉榆河出益州郡葉榆縣縣東有葉榆澤葉榆水之所鍾也其水自縣南枝分東北流逕遂久縣東姑復縣西與淹水合淹水雖合繩若入蜀江而葉榆初無黑水之名也何以知爲黑水之源其經流則自邪龍縣東南流逕滇池縣南又東與盤江合又東南至交趾糜泠縣入海此與會川相去懸絕並不合繩若入蜀江安得謂漾濞水東南出會川爲瀘水卽滇池縣所祠之黑水哉杜說非是又案水經注永昌郡有蘭蒼水出博南縣漢武帝時通博南山道渡蘭倉津土地絕遠行者苦之歌曰漢德廣開不賓度博南越倉津其水東北流逕不韋縣與類水合又東與禁水合又北注瀘津水然則此蘭倉水仍東北合瀘水入蜀江也若今之所謂闡滄江



元人指以為禹貢之黑水者則東南流至交趾入海與梁州絕無交涉影響附會之談殊不足信 漢志滇池澤在滇池縣西北有黑水祠後漢志縣北有黑水祠或以為武帝開置益州郡始立之非也使帝知郡界有黑水而立此祠則班史必知其所在而能言之矣竊謂此祠蓋彼中相承已久黑水即金沙江東經會無縣南南直滇池縣故滇王國於其北立祠祭之宜矣自周衰以迄漢初聲教阻絕故尚書家莫能言梁州黑水之所在千載而下尚賴有此祠可以推測而得之語云天子失官學在四夷又云禮失而求之野此亦其一端也杜佑以漾濞水經會川縣者為黑水樊綽以麗水合瀾若江者為黑水程大昌以西洱河貫葉榆澤者為黑水元人則以闕滄江至交

趾入海者為黑水而明李元陽引張立道之事以為證此皆轉相附會以求合于入南海之文非實有所驗也以是為雍界之黑水吾不敢知如謂梁界之黑水亦即斯川則梁州奄有雲南極於交趾以一州而兼數州之地何至若是之廣遠此可以理斷之而信其必不然者也

地理今釋梁州黑水即今雲南之金沙江其源發於西蕃諾莫渾五巴什山分支之東曰阿克達毋必拉南流至塔城關入雲南麗江府境亦曰麗水東南流至姚安府大姚縣之左御鄉即首御管北打沖河自鹽井衛來會之打沖河出自西蕃界在崑崙東南百里二源同發名查諸必打有支河十一道左右流之至占對安撫司入四川界南流東折繞鹽井衛之東北又南至烏喇果入金沙江又東入四川逕會川衛南又東至東川府西折而東北流逕烏蒙



府西北馬湖府南又東逕敘州府南入岷江

胡氏渭曰梁北自洛南商州鎮安並屬西以西為洋縣

城固褒城鳳縣並屬漢中府兩當徽州成縣並屬鞏昌府及唐宕壘

二州之地北與公州岷州二州二又西為西傾山南唐松州微

外羈縻之地貞觀二年於松州置都督府督羈縻二十皆與雍接

界其間大山長谷遠者或數百里終南山東連二華

竦峙長安之南有子午道直達漢中岡巒縣互厯整

屋至武功郿縣為太一山亦名太白山駱谷斜谷之

口皆當其地又西過寶雞訖於隴首山之深處高而

長大者曰秦嶺西京記云長安正南山名秦嶺東起

商洛西盡汧隴東西八百里是也關中指此為南山

漢中指此為北山斯實雍梁之大限矣寶雞西南為

鳳縣即漢故縣也縣東北大散嶺與寶雞分界嶺上有大

散關當秦隴之會扼南北之交雍梁有事在所必爭

又西為徽州州東南有鐵山懸崖萬仞劉子羽曰蜀

口有鐵山棧道之隘是也州西有木皮嶺甚高險唐

黃巢之亂王鐸置關於此以遮秦隴又西為成縣縣

有鷲峽羊頭峽龍門戍皆在仇池山北兵攻仇池

必由此入又西為洮州衛之西傾山山東北去衛四

百餘里屬雍州其南則屬梁州所謂西傾因桓是來

者也以上諸山皆隴蜀阨塞西傾與華陽東西準望

相直曾彥和云梁北雍南以華為畿不兼言東最得

經旨而林少穎以為華山在梁雍之東當云梁之東

北雍之東南以華為畿夫兼言東則不足以該其西

是謂欲密而反疎林氏蓋習聞西南距岱之說而不

知其非故有此論 梁東自洛南商南以南二縣並屬



為鄖西之西境故上津縣地上津唐屬商州其故城在今鄖西縣西北一百十里又南為房縣鄖西房縣屬鄖陽府與豫接界又南為竹山縣屬鄖陽府又南為巫山縣屬夔州府與荆接界 梁南自宜賓以西至會川諸州縣凡在瀘水馬湖江之北者皆梁域宜賓以東至巫山諸州縣凡在大江之北者皆梁域蓋大江既合瀘水亦得互受通稱故隋改江陽縣曰瀘川置瀘州治焉其縣南大江寰宇記謂之瀘江瀘水即黑水則梁左之南鄙亦當以此水表界也或曰梁州之水莫大於江經曷不界以江曰江自岷山導源大勢皆南行至敘州始折而東苟界以江則江右之地悉遺之域外矣故言黑水可以見左界而言江則不可以該右界也 梁西自西傾山歷唐羈縻州以南為當州奉州柘州又西南為始陽鎮又南為雅州黎州又西

南為蕭州皆與蠻夷接界今松潘衛威州天全六番招討司雅州黎大所及越嶲冕山營之北境鹽井營之西境是也唐當州在今松潘衛西南三百里州治通軌縣隋志縣有甘松山元和志云甘松嶺在嘉城縣西南十五里唐開元十九年吐蕃請互市於甘松宰相裴光庭曰甘松嶺中國之阻不如許赤嶺即此也赤嶺在今陝西西寧衛界奉柘二州在今疊溪威州之西奉州西七十里有的博嶺韋皋嘗分兵出此圍維州柘州西北百里有大雪山一名蓬婆山杜甫詩已收滴博雲閒戍欲奪蓬婆雪外城是蓬婆又在滴博之西也威州北有高碛山山上有砦城廢縣唐維州治亦曰姜維城邊略云自松達茂不三百里夷碛碁布山巖如蜂房宋史有碛門元有碛門宣撫司即今天全六番招討司也蓋夷碛起自松州訖於始陽故謂之碛門矣廣韻無碛字不



知其音今案後漢書母離夷皆依山居止累石為室高者至十餘丈為邛籠唐  
注云今彼土夷人呼為彫也蓋礪木作彫後改從石作礪耳音當與彫同 唐  
雅州治嚴道縣領羈縻吐蕃四十六州黎州治漢源  
縣管羈縻州五十七並蠻夷部落寰宇記云雅州西  
去大渡河五日程羌蠻混雜連山接野鳥路空不  
知里數黎州西至廓清縣一百八十里其城西臨大  
渡河河西則生羌蠻界高山萬重更無郡縣今黎大  
所北有邛來山九折坂後漢永平中白狼槃木唐菽  
等百餘國舉種奉貢越山坂纒負而至皆旄牛微外  
蠻夷也舊州即今建昌衛通典云南至姚州界五百  
六十里西至磨迷生蠻六百六十里昔司馬相如略  
定西南夷關沫若微牂柯鑊靈山橋孫水蓋皆在此  
地矣

岷嶓既藝

錐指傳曰岷嶓皆山名地理志云嶓山在蜀郡湔氏  
道西徼外江水所出縣有嶓道今四川松潘衛即漢湔氏  
道也山在衛西北後魏地形志華陽郡嶓冢縣有嶓  
冢山漢水出焉括地志云嶓冢山在梁州金牛縣東  
二十八里今在陝西漢中府寧羌州北九十里州本  
漢廣漢郡葭萌縣地也  
地理今釋嶓冢有二一在陝西漢中府寧羌州北九  
十里東漢水所出即導漾一在鞏昌府秦州西南六十  
里西漢水所出二山南北相去三四百里而支脈隱  
然聯屬郡縣志所謂隴東之山皆嶓冢是也

沱潛既道

錐指正義曰鄭注梁州云二水亦謂自江漢出者郭  
璞爾雅音義云沱水自蜀郡都安縣湔山與江別而



東流又云有水從漢沔陽縣南流至梓潼漢壽入大  
穴中通峒山下西南潛出一名沔水舊俗云即禹貢  
潛也渭案地理志禹貢江沱在蜀郡郫縣西東入大  
江此即今之郫江郭氏所謂沱也括地志云潛水一  
名復水今名龍門水源出縣谷縣東龍門大石穴下  
元和志云龍門山在利州縣谷縣東北八十二里潛  
水所出此即郭氏所謂潛也今成都府灌縣東有都  
安故城漢中府沔縣東南有沔陽故城漢壽晉改曰  
晉壽其故城在今保寧府昭化縣東南縣谷亦晉壽  
地今為廣元縣 河渠書蜀守冰鑿離碓辟沫水之  
害穿一江成都之中溝洫志同注引杜預益州記云二  
江者郫江流江也隋經籍志有益州記三卷李氏撰而無杜預之書李  
氏者李膺也梁益州別駕初學記引任豫益州記曰  
郫江者大江之支也亦曰沔江亦曰沔水在蜀與洛水合又劉達蜀都賦注內  
穴下劉昭注補都國志廣都縣下並引任豫益州記此杜預當是任豫豫通作

形相似而誤揚雄蜀都賦曰兩江珥其前應劭風俗通曰  
李冰開成都兩江溉田萬頃左思蜀都賦曰帶二江  
之雙流常璩華陽國志曰李冰壅江作壩穿郫江檢  
江即流別支流雙過郡下蓋自漢以來皆以郫江為沱  
水流江為大江水經所敘江水自都安以至成都者  
考其原委皆流江也然流江實非大江江原縣郫水  
江原今崇慶州  
應劭曰郫音壽近世謂之大阜江者元和志郫江一名阜  
江蓋壽音轉為阜則岷江  
之正流也而班氏以為首受江故鄭康成云沱之類  
郫與郫俱為沱而流江於是乎為大江矣推尋事理  
李冰所穿之二江一是流江乃冰所創造一是郫江  
即禹貢之沱時必淤淺冰復從而濬之遂并數為二  
江茲二江者或稱內江外江或稱南江北江彼此參  
錯未知誰是其湔水不經成都縣界元史河渠志以



鄆湔為冰所穿之二江大謬鄆江之為沱水無疑矣  
然世皆以灌縣西南至廣都北岸合流江者為鄆江  
之起止今成都城南岸曲有合流亭鄆江入流江處也則所行不過三百餘里今  
案漢志縣虎縣湔水東南至江陽入江江陽今瀘州行千八  
百九十里水經注云縣雒二水與湔水合亦謂之鄆  
江鄆江者沱水也既與湔水渾濤則直至瀘州入江  
矣安得以五城水口之枝津為沱水西合大江之正  
道哉水經注云湔水東絕縣洛逕五城界至廣都北岸南入于江謂之五城水口蓋禹治梁州特紀沱  
潛潛自廣元至巴縣入江行千餘里沱自灌縣至瀘  
州入江行千五百里羣流湊集源遙波濬雖江漢之  
別而實為州界兩大川荒度之功不遺餘力此沱潛  
所以與岷嶓並志也

蔡蒙旅平

錐指傳曰蔡蒙二山名正義曰地理志云蒙山在蜀  
郡青衣縣應劭云順帝改曰漢嘉縣蔡山不知所在  
蘇氏曰蒙山今日蒙頂涓案今雅州北有青衣廢縣  
蒙山在州南  
地理今釋蔡山宋葉少蘊謂鄒周公山在今四川雅  
州東五里蒙在今雅州名山縣西五里接雅州及蘆  
山縣界

蕙田案蔡山正義云不知所至胡臚明謂當  
是今之峨嵋山以為周公山老葉少蘊及明  
一統志也

和夷底績

錐指正義曰和夷平地之名蘇氏曰和夷西南夷名  
也涓案水經注引鄭說云和夷和夷所居之地和



水即泚水和泚聲相近字從而變地理志云青衣縣禹貢蒙山谿大渡水東南至南安入泚泚水出汶江縣徼外南至南安東入江過郡三行三千四十里泚乃泚字之誤說文泚水出蜀汶江徼外東南入江從水我聲徐鉉音五何切故知泚當作泚和夷者泚水南之夷也汶江今茂州南安今嘉定州水經江水東南過犍為武陽縣故城在今眉州北新津仁壽并研三縣皆武陽也青衣水沫水從西南來合而注之此即一水會泚水入江處也酈注云江水自武陽東至彭亡緊口外水又東南逕南安縣西有熊耳峽連山競險接嶺爭高縣治青衣江會衿帶二水矣縣南有峨眉山有蒙水即大渡水也水發蒙溪東南流與泚水合水出徼外逕汶江道呂忱曰泚水出蜀許慎以為泚水也從水我聲南至南

安入大渡水大渡水又東入江也班固謂大渡入泚道元謂泚入大渡然泚水源長當以漢志為正道元敘泚水甚略自漢志泚誤作泚而師古曰音哉世遂不知有泚水且不知泚水之所在徒以其下流與南安之沫水號為大渡者合而入江因目泚水曰大渡河元和志云黎州西至廓清城一百八十里其城西臨大渡河河西生羌蠻界黎州本漢沈黎郡牛縣地唐置黎州治漢源縣今黎大所南三十里漢源廢縣是也又云通望縣北至黎州九十里大渡水經縣北二百步通望本漢旄牛縣南為大渡戍尋置陽山縣唐改曰通望今黎大所東南通望故城是也旄牛故城在所南故誓有髮人蓋國于此也李膺益州記云羊膊嶺水分二派一南流為大江一西南流為大渡河王應麟地理通釋云大渡河一名羊山江源出鐵豹嶺嶺即岷山羊膊嶺之異名也大渡河即泚水羊膊嶺即汶江徼外之山泚水所出以今



輿地言之澱水自茂州徼外南流經黎大所西舊有黎州所大折而東經所南又東經建昌衛越舊營黎大所附屬雅州又東經峨眉縣南又東至嘉定州南合青衣沫水又東入大江此水之南蓋即經所謂和夷也禹導和水使入江而其地已底績矣或曰何以知不在水北曰古者桓有和音故鄭康成破和為桓晉地道記云梁州自桓水以南為夷書所謂和夷底績此說是也但不當破和為桓耳方輿勝覽云大渡河於黎州為南邊要害之地唐時大渡之成一不守則黎雅邛嘉成都皆擾建隆三年王全斌平蜀以圖來上議者欲因兵威復越舊藝祖以玉斧畫此河曰外此吾不有也於是為黎之極邊曩時河道平廣可通漕舟自玉斧畫河之後河之中流忽陷下

五六十丈河流至此澎湃如瀑從空而落春撞怒號波濤洶湧船筏不通名為噎口殆天設險以限羌蠻也政和末大理通貢有上書乞於大渡河外置城邑以便互市詔問得失知黎州宇文常言太祖觀地圖畫大渡河為境歷百五十年無恙今若於河外建城邑開邊隙非中國之福也議遂寢以是知大渡河南當為禹貢外薄之地唐韋皋拒吐蕃李德裕拒南詔皆扼此水為險要和夷在大渡河南馬湖江北為宋祖玉斧畫而棄之者無疑矣馬湖江即古若水漢瀘水馬貢梁州之黑水也地理今釋和夷案水經注引鄭說云和夷和上夷所居之地和即和川水在今四川雅州榮經縣寰宇記謂榮經縣北九十里有和川水從羅巖古蠻州來也蔡傳以夷為嚴道今榮經縣宋曰嚴道以西之夷道榮經以西無夷道非是



時瀾書說云嚴道以西地名和川夷人所居乃為得之

觀承案和夷之解極是與島夷萊夷淮夷一例是禹貢之書法也蔡氏以夷為嚴道以西之夷道者即令果有其地亦不足據矣

西傾因桓是來

錐指傳曰西傾山名桓水自西傾山南行因桓水是來浮于潛地理志云西傾山在隴西臨洮縣南夏氏曰西傾後世所謂強臺山其南桓水出焉一名白水渭案今陝西洮州衛本漢臨洮縣地唐為臨潭縣屬洮州括地志云西傾山在臨潭縣西南三百三十六里西傾之戎在山之西南唐為吐蕃地北連吐谷渾西接党項党項故析支也山海經曰白水出蜀而東

南注于江郭璞云色微白濁今在梓潼白水縣從臨洮之西西傾山來經沓中東流過陰平至漢壽縣入潛酈道元云桓水自西傾至葭萌入于西漢即鄭元之所謂潛水者也今白水自洮州衛流經文縣平武龍安府治劍州至昭化縣東入西漢水此即禹貢之桓水西傾之戎所因以來者也

地理今釋西傾山一名強臺山在今陝西鞏昌府洮州衛西蕃界延袤千里外跨諸羌桓水一名白水出今陝西岷州衛東南分水嶺至四川保寧府昭化縣東入西漢水西漢水出秦州岷家山上流為犀牛江下流為嘉陵江

浮于潛逾于沔入于渭亂于河

錐指傳曰漢上曰沔越沔而北入渭浮東渡河正絕流曰亂正義曰下傳云泉始出山為漾水東南流為



沔水至漢中東行為漢水是漢上曰沔也渭案地理志渭水出隴西首陽縣西南鳥鼠同穴山東至船司空入河河謂西河水經注云西漢即潛水自西漢溯流而居于晉壽界阻漾枝津南歷岡穴迤邐而接漢沿此入漾書所謂浮潛而逾沔矣歷漢川至南鄭縣屬于褒水迺褒暨于衙嶺之南溪水支灌于斜川水支川皮字之誤也居于武功而北達于渭水此乃水陸之相關川流之所經復不乖禹貢入渭之宗實符尙書亂河之義也林蔡所引皆有脫誤謹依原文備錄于此南鄭今為漢中府治其故城在縣東北武功故城在鳳翔府郿縣東四十里渭水之南漢志右扶風武功縣下云斜水出衙嶺山北至郿入渭褒水亦出衙嶺至南鄭入沔案衙嶺山在今郿縣西南三十里俗呼馬

鞍山褒斜本谷名李善西都賦注引梁州記云萬石城沂漢上七里褒谷萬石城在今漢中府褒城縣東南口曰褒北口曰斜長四百五十里渭水志曰作褒斜道五百餘里曹孟德以此谷為五百里石穴孔穎達云漢在渭南五百餘里皆與梁州記合程大昌謂漢中北距斜口八九百里妄也水經注漢水自西樂城北城在今沔縣東南又東合褒水水東北出衙嶺山東南經大石門歷故棧道下谷又東南逕三交城城在褒城縣西北以三水之會名又東南得丙水口水上承丙穴出嘉魚故左思稱嘉魚出于丙穴良水攢于褒谷又東南歷小石門山通道六丈有餘蜀都賦曰岨以石門即此門在漢中之西褒中之北案今褒城縣西北十五里箕谷口有石如門曰石門又東南歷褒口即褒谷之南口北口曰斜所謂北出褒又南逕褒縣故城東褒中縣也本褒國案褒中故城在褒城縣南又南流入于漢渭水自郿縣故城南城在今郿縣東北十五里渭水之北又東逕武功縣北斜水自南注之水出縣西南衙嶺山北歷五丈原東原在郿縣西三十里渭水南亦謂之武功水諸葛亮表云臣遣虎步監孟琰據武功水東是也以今輿地言



之褒谷口在褒城縣北十里斜谷口在郿縣西南三十里褒水自衙嶺南流經褒城縣東又南入于漢斜水自衙嶺北流經郿縣東又東北入于渭褒之流長而斜之流短兩谷高峻中間褒水所經皆穴山架木而行名曰連雲棧陸贄所云緣側徑於嶺巖綴危棧於絕壁者也酈元云自西漢泝流而至晉壽阻漾枝津南枝津卽郭璞所云水從沔陽縣南流至漢壽寰宇記所謂三泉故縣南大寒水西流者也歷岡穴迤邐而接漢岡穴卽郭璞所謂峒山括地志所謂龍門山大石穴者也以今輿地言之浮嘉陵江至廣元縣北龍門第三洞口舍舟從陸越岡巒而北至第一洞口出谷乘舟至沔縣南經所謂浮潛而逾沔也自沔入南鄭縣界抵褒城東歷褒水斜水至郿縣東北入

渭沿流而東歷武功興平整屋鄠縣咸陽長安高陵咸寧臨潼渭南華州朝邑至華陰縣之渭口絕河流而東抵蒲州經所謂入渭而亂河也自蒲州並東岸而行至滎河縣北泝汾水而上歷河津稷山絳州太平襄陵至臨汾縣是爲平陽堯之所都此梁州及西傾之貢道也

地理今釋沔水一名沮水漢書地理志武都郡沮縣沮水出東狼谷沮縣卽今陝西漢中府略陽縣也東南至沔縣西南入漢水名曰沮口  
胡氏渭曰梁州有古蜀山氏蠶叢氏之國又元囂昌意所封及牧誓所稱庸蜀羌髳微盧彭濮諸國皆在焉春秋時可考者庸巴濮麋褒凡五國戰國時屬秦而楚亦兼得其地秦并天下置漢中巴郡蜀郡隴西



南境內史南境漢改置益州領都八漢志魏分置梁州晉初因之益梁二州後又分益州南境置寧州領都四唐為山南西道之漢中州梁洋川洋通川通潏山渠南平渝清化巴始寧壁咸安蓬符陽集巴川合河池鳳順政興益昌夔利等郡山南東道之房陵房南賓忠南浦萬雲安夔等郡劔南道之蜀郡益唐安蜀濛陽彭德陽漢通義眉梓潼梓巴西縣普安劔閬中閬資陽資臨邛邛通化茂交川松越巂雋南溪戎遂寧遂仁壽陵犍為犍盧山雅盧川瀘陽安簡安岳普江源當陰平文同昌扶油江龍臨邛邛歸誠悉靜川靜蓬山柘恭化恭維川維雲山奉和義榮盛山開南充果洪源黎雲南姚等郡又京畿之上洛商安康金隴右道之武都武同谷成懷道若合川鑿黔中道之涪陵涪南川南等郡

案以上通典所列雲南涪陵南川三郡乃梁南徼外蠻夷不在九州之限其雲安之建始縣當往屬荆上洛之上津東境廢長利縣地當往屬豫而黔中寧夷涪川播川夜郎義泉溱溪七郡列在荆域者雖附近蜀江之南亦係徼外蠻夷不在九州之限以今輿地言之陝西漢中府興安州及西安府之商州洛南山陽鎮安商南鞏昌府之鳳縣兩當徽州成縣階州文縣湖廣鄖陽府之房縣竹山竹溪及鄖西縣之西境四川則成都保寧順慶龍安馬湖五府潼川嘉定邛眉雅五州及敘州瀘州重慶夔州之江北諸州縣祿潘衛夔溪營天全六番招討司黎大所建昌衛皆古梁州域也其遵義府永寧衛及東川烏蒙鎮雄皆古府並在瀘水之外雲南郡唐於昆明之弄棟川置卽

通典卷之三十三 地理 體國經野 三



今姚安府其非梁域又不待言矣

黑水西河惟雍州

錐指傳曰西距黑水東據河龍門之河在冀州西正義曰河在雍州之東而謂之西河者以冀州西界故王制云自東河至於西河千里而近是河相對而為東西也渭案黑水水經注云出張掖雞山南流至燉煌過三危山南流入于南海括地志云源出伊州伊吾縣北百二十里南流絕三危山在沙州燉煌縣東南四十里二說未知孰是通典云孔鄭通儒莫知其所或是年代久遠遂至湮澗無以詳焉河經龍門而南至於華陰為西河左傳昭公十三年晉叔魚謂季孫曰將為子除館于西河禮記子夏退而老于西河之上史記魏武侯浮西河而下封吳起為西河守皆

此水也

地理今釋雍州黑水出陝西甘肅塞外南流至河州

入積石河今俗名大通河是也

案括地志云黑水出伊州伊吾縣北東南流至鄯州又東南至瓜州之南歷西塞衛東南至河州入河西塞即唐之鄯州則括地志之說與今圖合又案河至積石北則大通河入之南則大夏河注之入河之口南相直設入或遂指大夏為黑水絕河而南之跡不知大夏雖在黃河之南實仍在南山之北且其源自南而北與山南入海之水絕不相通

胡氏渭曰黑水今不可得詳據括地志言出伊吾南

流絕三危山則當自燉煌北大磧外流入郡界南經白龍堆東三危山西又南經吐谷渾界中又南經吐蕃界中繞出河源之外而入于南海梁州之黑水別是一川非為雍西界者也西河東與冀分界自今榆林衛故勝州東北折而南且西經府谷神木又西南經葭州吳堡又南經綏德清澗延川延長又東南



經宜川

並屬延安府

又南經韓城邵陽朝邑以至於華陰

並屬西夏

府

與豫接界河行凡一千七百餘里

雍之南界自

華陰太華山

並屬鳳翔府

以西為華州渭南藍田鄠縣盩厔

郿縣寶雞

並屬鳳翔府

皆以南山與梁分界又西為鳳縣有

大散嶺

又西為徽州有鐵山木皮嶺

又西為成縣有

鷲峽羊頭峽龍門戍

並屬鞏昌府

又西為岷州衛又西為洮

州衛有西傾山皆與梁分界處也

自西傾又西歷

吐谷渾南至大積石自積石又西歷吐谷渾南党項

白蘭之北至於黑水吐谷渾本遼東鮮卑種也東晉

初徙居枹罕宋景平中其子孫有阿豺者升西疆山

觀墊江源則其地南至西傾矣又數傳為夸呂始自

號可汗治伏侯城在青海西十五里據有甘松之南

洮水之西南極於白蘭其地東西二千里南北千餘

里党項羌在古析支之地漢時燒當羌亦嘗居之白

蘭者羌之別種也其地皆與吐谷渾接吐谷渾在河

湟之間即先零燒當諸羌故地積石在其西南南枕

賜支河曲禹導河自此始則湟水之南積石之北西

傾之西其為雍州之域無疑矣 雍之北界經無可

見約略言之自今塞外東受降城之西與冀分界

東受降城在勝州榆林縣東北八里又西四百里為中受降城

元和志云南至麟州四百里又

西四百里餘里為西受降城

元和志云在豐州西北八十里唐景龍二年張

仁愿所築南直今榆林衛黃河經三城之南謂之北

河河北有陰山為華夷大限侯應曰北邊塞至遼東

外有陰山東西千餘里是也又西為高闕山戰國時

趙築長城並陰山下至高闕為塞及秦始皇斥逐匈

奴城河上為塞又使蒙恬度河取高闕陶山北假中



築亭障以逐戎人是也其地又有光祿塞雞鹿塞漢受降城皆雲中五原二郡境也又西爲河西四郡之北鄙漢太初中收匈奴休屠渾邪王地置武威張掖酒泉敦煌以通西域隔絕羌胡往來武威姑臧縣北三百里有白亭軍元和志云在馬城河東岸天寶十年哥舒翰置因白亭海爲名也張掖東北一千五百餘里有地曰居延元狩二年霍去病出北地二千餘里過居延太初三年使路博德築居延澤上今甘州衛塞外居延故城是也亦曰居延塞元爲亦集乃路地理志云在甘州北一千五百里城東北有大澤西北俱接沙磧乃漢居延故城明洪武初馮勝拔肅州進至埽林山亦集乃路是也合黎山在張掖縣西北二百里弱水由此東北入居延澤遮虜障在肅州酒

泉縣北二百四十里李陵與單于戰處敦煌即今廢沙州衛衛北抵大磧磧外即古伊吾盧地唐置伊州今爲廢哈密衛也自雲中至敦煌六郡皆古雍州之域後爲戎翟所據至秦漢始收復者其北皆臨大磧大磧即沙磧漢人謂之磧唐人謂之磧東西數千里南北遠者千里無水草不可駐牧雖禽獸亦不能居之

弱水既西

錐指傳曰導之西流至于合黎渭案地理志張掖刪丹縣桑欽以爲道弱水自此西至酒泉合黎今陝西行都司之山丹衛故刪丹縣也地理今釋弱水今陝西山丹衛漢刪丹縣城西有山丹河古弱水也法顯佛國記謂之流沙河出衛西南窮石山正流西至合黎山與張掖河合又東北至甘州衛北迤邐流至塞外入



居延澤其餘波溢入流沙也

涇屬渭汭

雖指傳曰屬逮也水北曰汭言治涇水入于渭地理志云涇水出安定涇陽縣西并頭山東南至馮翊陽陵縣入渭行千六十里渭案涇陽故城在今陝西平涼府平涼縣西南并頭山在縣西一百里陽陵故城在今西安府高陵縣西南二十里說文汭水相入也左傳閔公二年虢公敗犬戎于渭汭杜預曰水之隈曲曰汭

地理今釋涇水出今陝西平涼府平涼縣西南并頭山亦名崆峒山東至西安府高陵縣西南入渭水渭水出今陝西臨洮府渭源縣西烏鼠山東至西安府華陰縣東北入河汭水出今平涼府華亭縣有二源

北源出湫頭山之朝那湫南源出齊山至縣東與北河合又東至涇州西北入涇水

胡氏渭曰蔡傳云涇渭汭三水名屬連屬也涇水連屬渭汭二水也黃東發非之曰古說涇入於渭水之內而漆沮既從澧水攸同皆主渭言之文意俱協若以汭為一水而入涇則涇屬渭汭者是涇既入渭汭又入涇下文漆沮之從澧水之同孰從孰同邪職方氏其川涇汭易氏解云汭非禹貢之汭禹貢言汭皆水內此川名鄒季友亦曰涇水先會汭水後入渭水則經當言涇屬汭渭不當先渭而後汭況下文卽有渭汭字不可異說一言破的蔡說可以永廢矣

漆沮既從

雖指傳曰漆沮之水已從入渭顏氏曰漆沮卽馮翊



之洛水渭案地理志沮水出北地直路縣西東入洛  
洛水至馮翊襄懷德縣東南入渭直路縣自後漢已  
廢其故城在今延安府鄜州中部縣西北二百里襄  
德今西安府同州之朝邑縣也縣西南四十三里有  
懷德故城水經注云渭水東過華陰縣北洛水入焉  
關駟以爲漆沮之水華陰縣北卽懷德縣南也導  
渭傳云漆沮二水名亦曰洛水出馮翊北正義云地  
理志漆水出扶風漆縣依十三州記漆水出岐山東  
入渭則與漆沮不同矣此云會于涇又東過漆沮是  
漆沮在涇水之東故孔以爲洛水一名漆沮水經沮  
水出北地直路縣東入洛又曰鄭渠在太上皇陵東  
南濁水入焉俗謂之漆水又謂之漆沮其水東流注  
于洛水志云在馮翊懷德縣東南入渭以水土驗之

與毛詩古公自土沮漆者別也彼漆卽扶風漆水彼  
沮則未聞渭案此說是也本疏引扶風漆水蓋未定  
之論失於刊正耳詩大雅民之初生自土漆沮傳云  
沮水漆水也周頌猗與漆沮潛有多魚傳云漆沮岐  
周二水也此皆謂扶風之漆沮而林少穎以猗與漆  
沮釋漆沮既從恐非小雅瞻彼洛矣傳以爲宗周漑  
浸之水亦不言洛卽漆沮謂漆沮亦曰洛水實自安  
國書傳始而關駟酈道元從之孔穎達復援以釋詩  
于是洛與漆沮合而爲一水矣其濁水上承雲陽大  
黑泉名漆沮水者乃土俗之稱而洛水之爲漆沮則  
先儒皆以爲然故顏師古注漢書亦用其說然直路  
之沮自櫟陽縣界合濁水分爲二水一循鄭渠而東  
注洛其間二百餘里實鄭國之所繫漢志云沮入洛



亦據既有鄭渠後言之耳自鄭渠一廢而濁水絕于三原沮水不抵富平可見此水在古時元合濁水至櫟陽入渭而不與洛通也程大昌雍錄謂禹貢漆汨惟富平石川河正當其地確不可易

地理今釋漆水源出陝西西安府同官縣北高山流

經縣城東合同官水西南至耀州屬西與沮水合沮水

出陝西延安府中部縣西南流經宜君屬西同官二縣

境至耀州城南會漆水東流入富平屬西縣界名石川

河又南流至臨潼縣屬西北交口鎮入渭水

灃水攸同

雖指傳曰灃水所同同之於渭地理志灃水出扶風

鄠縣東南北過上林苑入渭渭案鄠縣今屬陝西西

安府其故城在今縣北二里上林苑在今長安縣西

南灃水至咸陽縣西南入渭詩曰豐水東注維禹之績言同於渭也 灃一作豐又作鄠漢志扶風鄠縣

古國有扈谷亭扈夏啟所伐鄠水出東南又有瀆水

皆北過上林苑入渭水經無灃水之目其附見渭水

篇中者曰渭水自槐里縣故城南槐里今為興平縣在西又

東合甘水水出南山甘谷北流至鄠縣合灃又東豐水從南來

注之地說云渭水與豐水會于短陰山內水會無他

高山異巒所有唯原阜石激而已漢書音義張揖曰

鄠水出鄠縣南山鄠谷北入渭長安志豐水出長安

縣西南五十五里終南山豐谷其源闊一十五步其

下闊六十步水深三尺自鄠縣界來絡縣界由馬坊

村入咸陽合渭水咸陽縣在西安昔文王作豐武王治鎬

詩詠其事鄭康成云豐在豐水之西鎬在豐水之東



地理今釋灃水源出今陝西西安府鄠縣東南終南山自柴閣而下至咸陽縣東南入渭水

荆岐既旅終南惇物至于鳥鼠

錐指傳曰此荆在岐東非荆州之荆終南惇物鳥鼠三山名正義曰治水從下自東而西先荆後岐荆在岐東也地理志云禹貢北條荆山在馮翊懷德縣南三山空舉山名不言治意蒙上既旅之文也地理志云扶風武功縣有太一山古文以為終南垂山古文以為惇物皆在縣東渭案鳥鼠在今陝西臨洮府渭源縣西渭水出焉

地理今釋終南山在今陝西西安府長安縣南五十里東至藍田縣西至鳳翔府郿縣縣互入百餘里惇物山漢書地理志右扶風武功縣注大壹山古文以

為終南垂山古文以為惇物皆在縣東武功今陝西鳳翔府郿縣考圖志不載是山胡渭禹貢錐指以為太乙之北峰在縣東四十里者是也

原隰底績至于豬野

錐指傳曰下溼曰隰豬野地名正義曰地理志云武威縣東北有休屠音除澤古文以為豬野澤鄭元以為詩云度其隰原即此原隰是也原隰幽地從此致功西至豬野之澤也渭案今西安府邠州及三水縣皆爾地漢武威縣屬武威郡今為陝西行都司鎮番衛地休屠澤在衛東北

三危既宅三苗丕敘

錐指傳曰西裔之山已可居三苗之族大有次敘正義曰左傳稱舜去四凶投之四裔舜典云竄三苗于



三危是三危為西裔之山也地理志杜林以為敦煌郡即古瓜州昭九年左傳云先王居檇杙于四裔故允姓之姦居於瓜州杜預云允姓之祖與三苗俱放于三危瓜州今敦煌也傅氏曰三危既宅此治黑水之成功也渭案漢敦煌唐分為瓜沙二州水經注云三危山在敦煌縣南括地志云在沙州敦煌縣東南四十里山有三峰故名亦名卑羽山今為嘉峪關外廢沙州衛地衛本屬行都司後弃之化外治黑水及三危而止兼有濬畎澮之事故言山以包之自豬野至黑水中隔弱水弱水先已治故豬野功畢即繼以黑水也三苗今為湖廣岳州府地吳起曰三苗之國左洞庭右彭蠡是也舜臣堯竄其君及民於三危至是禹安定之 正義云三危山必是西裔未知山之所在鄭元引地記

書曰三危之山在鳥鼠之西南當岷山則在積石之西南地記乃妄書其言未必可信要知三危之山必在河之南也渭案水經注兩引山海經以證尚書之三危一云三危之山三青鳥居之廣圓百里在鳥鼠山西見第四十卷末一云三危在敦煌南與岷山相接山南帶黑水見第三十卷末輿地記略同鳥鼠之西南當岷山則在今臨洮府南岷州衛北矣又云在積石之西南殊不可曉山南帶黑水蓋以扶州之黑水出素嶺山入白水者當之也妄言無疑三危山自當以在沙州者為是後魏書太平真君六年討吐谷渾杜豐追被囊度三危至雪山即沙州之三危也肅州舊志云白龍堆沙東倚三危北望蒲昌是為西極要路推其地望可以得三危之形勢矣



浮于積石至於龍門西河會于渭汭

雖指傳曰積石山在金城西南河所經也沿河順流而北千里而東千里而南龍門山在河東之西界正義曰地理志云積石山在金城河關縣西南羌中龍門山在馮翊夏陽縣北渭案漢河關縣在今陝西西寧衛西南塞外夏陽今西安府之韓城縣也會於渭汭今韓城縣北龍門山南是其地也

地理今釋積石山在今河州北一百二十里水經注謂之唐述山括地志云山勢峭拔下臨黃河

積石軍於此山海經云積石山在金城河門關西南境中漢之河關縣今之河州杜佑通典云禹施功自積石山而東今

西平郡龍支縣今西寧衛地與河州接界界山是也案諸家言積石者多以此為小積石別有大積石去此尚千餘里其說

蓋本於漢書西域傳謂河源出于闐北流與葱嶺河合東注蒲昌海潛行地下南出于積石為中國河之文其實禹施功之始即此積石更無所謂大積石也歐陽忞輿地廣記云班固所載張騫窮河源事乃意度之非實見蒲昌海與積石通流其言甚正蓋河源在吐蕃境漢時吐蕃未通中國武帝以于闐山出玉案古圖書乃名河所出山為崑崙後人遂并積石亦失其實耳于闐東流之水古名玉河葱嶺之水名新頭河見法顯佛國記總與河源無涉至水經并云積石在葱嶺之北則又失之遠矣或議杜佑主龍支之積石謂因唐置積石軍于澆河故城而誤考後漢書郡國志隴西郡河關縣積石山在西南又桓帝紀燒當羌叛段熲追擊于積石注即禹貢導河積石在鄯州龍支縣南是河州積石之名非始于唐矣蔡氏據



杜氏說釋經最當 龍門山在今陝西西安府韓城  
縣東北五十里大河之西東與壺口隔水相望  
織皮崑崙析支渠搜西戎即敘

西戎而西戎不止于三國三國乃西戎之大者皆來  
入貢則其餘無不賓服故曰西戎即敘

地理今釋崑崙西戎國蓋附近崑崙山者案鄭康成  
云衣皮之民居此崑崙析支渠搜三山之野者是崑  
崙析支渠搜皆本山名而因以為國號也析支今西

蕃在陝西臨洮府河州西應劭曰禹貢析支屬雍州  
在河關之西東去河關千餘里羌人所居謂之河曲  
羌也唐書党項傳曰党項漢西羌別種其地古析支

東距松州西葉護南春桑迷桑等羌北吐谷渾渠搜

涼土異物志云古渠搜國在大宛北界隋書西域傳

云鏐汗國文獻通考云鏐汗國東去瓜州五百里都葱嶺之西五百餘里古

渠搜國渠搜當在西域非朔方也傳寅禹貢集解云

陸氏曰漢志朔方郡有渠搜縣武紀云北發渠搜是

也然考漢朔方之渠搜非此所謂渠搜此亦當是金

城以西之戎也後世種落遷徙故漢有居朔方者當

禹時渠搜居朔方則不應淨積石陸說非也

胡氏渭曰雍州為奧區神皋后稷始封於郃一作駘公

劉處幽太王徙岐文王作豐武王治鎬及扈崇密須

之封皆在焉春秋時可考者號文王弟所封曰西號周召畢豐鄭

初封咸林之地漢為鄭縣屬京兆今華州是秦苻梁崇密驪戎白狄晉西境凡十四

國戰國時屬秦而魏趙亦兼得其地秦并天下置內

史上郡北地九原隴西雲中西南境唐榆林郡是漢以其地之西



偏置涼州領郡十漢志云改雍曰涼而三輔則領於司隸後漢並因之

魏分置秦州晉又分置雍州領郡七治京兆涼州領郡國八治武威秦州領郡六治上邽唐

為京畿之京兆府州雍州華陰華馮翊同扶風岐新平郿

等郡關內道之汧陽隴安定涇彭原寧安化慶平涼

原靈武靈五原鹽寧朔宥洛交鄜中部坊延安延咸

寧丹綏銀川銀新秦麟朔方夏九原豐榆林勝

安北大都護府分豐勝二州界置等郡隴右道之天水秦隴西渭金城

威涼會張掖甘酒泉肅晉昌瓜燉煌沙伊吾伊交河西

北庭庭州後為都護府安西都護府等郡案以上通典所列伊吾交

河北庭安西自古為戎狄不在禹貢九州之限又河

湟之間吐谷渾故地未嘗為郡縣故不入雍域以今

輿地言之陝西臨洮平涼慶陽延安鳳翔五府其西

安府則唯商州洛南山陽鎮安商南鞏昌府則唯鳳

縣兩當徽州成縣階州文縣為梁域餘皆屬雍又榆

林衛寧夏衛寧夏中衛及靖遠岷州洮州三衛行都

司所領甘州莊浪等諸衛所其在化外者南至西傾

積石西踰三危北抵沙漠皆古雍州域也

右禹貢豫梁雍三州



五禮通考卷第二百二

五禮通考卷第二百四

內廷供奉禮部右侍郎公區泰纂輯

翰林院編修嘉定錢大昕

李太僕總督魏石都觀承同訂

嘉慶元年和宋宗元 參校

嘉禮七十七

體國經野

書禹貢導岍及岐至于荆山逾于河

錐指傳曰三山皆在雍州河謂梁山龍門西河正義曰地理志云吳岳在扶風汧縣西古文以為汧山岐山在美陽縣西北荆山在馮翊懷德縣南蔡氏曰逾者禹自荆山而過於河也孔氏以為荆山之脈逾河而為壺口雷首者非是渭案導者循行之謂導山猶曰隨山蘇氏云自此以下至敷淺原皆隨山之事是也導山時尚未施功先儒皆以此為通水曰導山之



澗谷而納之川殊失經旨汧縣今爲鳳翔府之隴州  
州南三里有汧縣故城岍岐荆竝在河西渭北禹首  
導此三山而逾河以抵壺口則冀州之所先治者其  
規畫早定于胸中矣 岍一作汧說文有汧字而無岍字汧縣唐爲  
汧源縣隴州治明省縣入焉周禮雍州山鎮曰嶽山  
漢志以吳山爲雍州山是吳山卽嶽山也爾雅河南  
華河西嶽河東岱河北恆朱長孺云商周之世疑以  
岍爲西嶽故爾雅職方皆名嶽山吳山漢志雖云在  
縣西而岡巒綿互延及其南與嶽山只是一山自周  
尊岍山曰嶽山俗又謂之吳山或又合稱吳嶽史記  
遂析嶽山與吳嶽爲二山而岍山之名遂隱其實此  
二山者周禮總謂之嶽山禹貢總謂之岍山當以漢  
志爲正蔡傳引晁氏說又謂今隴山天井金門秦嶺

皆古之岍山不知何據 漢志美陽縣下云禹貢岐  
山在西北中水鄉周太王所邑詩曰率西水滸至於  
岐下又曰彼徂矣岐有夷之行是水經注岐水逕  
周城南城在岐山之陽而近西所謂居岐之陽也非  
直因山致名亦指水所稱矣又歷周原下北則中水  
鄉成周聚故曰有周也水北卽岐山矣今案岐山一  
名天柱山其峰高峻狀若柱然國語周之興也鸞鸞  
鳴於岐山故俗呼爲鳳凰堆山之南周原在焉詩所  
稱周原膺膺者也東西橫互肥美寬平在今岐山縣  
東北四十里 荆山有三一在雍域襄德北條之荆  
大禹鑄鼎處也一爲荆豫界臨沮南條之荆卞和得  
玉處也一在豫域與禹貢無涉漢郊祀志公孫卿曰  
黃帝采首山銅鑄鼎於荆山下案唐志虢州湖城縣



有覆釜山一名荆山元和志山在縣南卽黃帝鑄鼎處晉灼以爲在馮翊懷德縣非也湖城元省入閩鄉縣山今在縣南二十五里縣屬河南府陝州韓愈詩云荆山已去華山來日照潼關四扇開李商隱詩云楊僕移關三百里可能全是爲荆山卽此山也蔡傳以此爲北條之荆因晉灼而誤

壺口雷首至於太岳

錐指傳曰三山在冀州太岳上黨西正義曰地理志云壺口在河東北屈縣東南雷首在河東蒲坂縣南太岳在河東絳縣東是三山在冀州以太岳東近上黨故云在上黨西也渭案漢上黨郡今山西潞安府是蒲坂今爲平陽府之蒲州其故城在州東南漢縣舜所都也餘見冀州

胡氏渭曰雷首山在今蒲州南一名首陽山詩唐風采芣采芣首陽之顛論語伯夷叔齊餓于首陽之下馬融曰首陽山在蒲坂河曲之中寰宇記云首陽卽雷首之南阜也或稱首山漢地理志蒲反有首山祠郊祀志黃帝采首山銅卽此亦稱獨頭山關駟曰首陽山一名獨頭山夷齊所隱也又名襄山穆天子傳云東巡自河首襄山又名薄山穆天子傳云登薄山寘輪之隘史記封禪書云薄山者襄山也又名堯山漢地理志蒲反有堯山水經注云雷首山臨大河北去蒲坂三十里俗亦謂之堯山也又名中條山元和志云雷首一名中條在河東縣南十五里永樂縣北三十里寰宇記云中條山在芮城縣北十五里亦曰薄山也又名陋山寰宇記云堯山在河東縣南二十



八里卽雷首山山有九名亦卽隔山湯伐桀升自隔  
注在河曲之南卽此也括地志云此山西起雷首東  
至吳坂長數百里隨地異名通典云雷首在今河東  
縣此山凡有八名厯山首陽山薄山襄山甘棗山中  
條山渠豬山獨頭山也蒲州新志首陽山在州南四  
十五里又中條山在州東南十五里山狹而長西起  
雷首迤邐而東直接太行南跨芮城平陸北跨臨晉  
解州安邑夏縣閭喜垣曲諸境數百里中條之北  
有數峰攢立拱對州城在州南十五里中高竄下俗  
名爲筆架山又南五里爲八盤山又南十里爲麻谷  
山又南爲鳳凰山去州七十里與潼關相對爲中條  
南麓盡處今按雷首之脈爲中條東盡於垣曲王屋  
在焉禹至此顧不東行而北抵太岳蓋以帝都爲急

也 太岳卽霍山又名霍太山在平陽府霍州東三  
十里及岳陽縣西北九十里趙城縣東北四十五里  
周禮冀州山鎮曰霍山漢志河東隄縣有霍太山在  
東冀州山是也爾雅西方之美者有霍山之珠玉亦  
稱景霍晉語宰孔曰景霍以爲城韋注云景大也大  
霍晉山名今在河東隄史記周武王滅殷飛廉先爲  
紂使北方還無所報乃爲壇於霍太山而致命焉水  
經注汾水南過永安縣西故隄縣也又東與隄水合  
水出東北太岳山禹貢所謂岳陽卽霍太山矣山有  
岳廟甚靈汾水又南逕霍城東故霍國也又逕趙城  
西南穆王以封造父趙氏自此始元和志霍山一名  
太岳在霍邑東三十里今州治卽霍邑故城也新志  
云山高百餘丈長八十里周二百餘里南接趙城岳



陽北跨靈石今謂之中鎮渭案隋開皇十四年詔以霍山爲冀州鎮歷代因之號曰中鎮蓋卽古之中岳也降而爲鎮爲高高所壓耳閻百詩云崧高維嶽謂崧然而高者維是四嶽之山非以太室山爲嶽名曰崧高也爾雅撰於三百篇後緣此遂實指嵩高爲中嶽太史公又出爾雅後并補注堯典曰中嶽嵩高也是殆忘卻禹貢之太岳矣將堯有二中岳邪漢武登禮太室易曰宥高中岳名益顯皆爲爾雅所誤者或曰然則周竟無中嶽乎予曰周仍以唐虞時太岳爲中岳矣觀職方河內曰冀州鎮曰霍山可知蓋自有宇宙便有此山黃帝正名百物蚤已定五嶽之稱禹主名山川又從而奠之下迄周矣悉不敢移豈有如武帝以衡山遠移南嶽之祀于嵩霍山者乎予最愛

鄭康成注大司樂四鎮五嶽取諸職方九州之山而徧足少嫌其以嶽山爲西嶽而不以霍山爲中嶽又嫌其大宗伯注乃襲爾雅雜以嵩高忘卻大司樂注殆由未善讀崧高之詩也哉

底柱析城至於王屋

雖指傳曰此三山在冀州南河之北東行正義曰地理志云析城在河東濩澤縣西王屋在河東垣縣東北地理志不載底柱底柱在大陽關東析城之西濩澤今爲山西澤州之陽城縣其故城在縣西三十里垣縣今爲平陽府絳州之垣曲縣其故城在縣西四十里大陽今爲解州之平陸縣其故城在縣東北皆漢縣也大陽關在今河南府陝州東王屋山在



今懷慶府濟源縣西北唐王屋縣地西與垣曲接界  
地理今釋底柱山在今河南河南府陝州東四十里  
大河中西北去山西平陽府平陸縣五十里析城山  
在今山西澤州陽城縣西南七十里王屋山在今河  
南懷慶府濟源縣西北九十里接山西平陽府垣曲  
縣及澤州陽城縣界山有三重其狀如屋

太行恆山至於碣石入於海

錐指傳曰此二山連延東北接碣石而入滄海正義  
曰地理志云太行山在河內山陽縣西北恆山在常  
山上曲陽縣西北太行去恆山太遠恆山去碣石又  
遠故云此二山連延東北接碣石而入滄海也渭案  
山陽今爲河南懷慶府之修武縣其故城在縣西北  
上曲陽今爲直隸真定府定州之曲陽縣其故城在  
縣西地理志河南陝王縣西北有太行山山陽縣北  
有東太行山陝王今爲河內縣其故城卽今懷慶府  
治孔疏引山陽而遺陝王非也恆山北岳在今曲陽  
縣西北碣石見冀州海在碣石之東逾河爲禹渡河  
則入海亦禹涉海也

地理今釋太行山延袤千餘里起於河南懷慶府濟  
源縣迤西東北跨山西河南直隸界

胡氏渭曰太行列子作太形則行讀如字亦可故陸  
氏兼存之太行一名五行山淮南子武王欲築宮於  
五行之山高誘注云太行山也河圖括地象曰太行  
天下之脊漢志以在陝王者爲太行而在山陽者爲  
東太行其太行之支峰乎又案金史地理志云濟源  
縣有太行山以沁水爲界西爲王屋東爲太行則此



山實起於濟源蓋自河南懷慶府入山西澤州迤而東北跨陵川壺關平順潞城黎城武鄉遼州和順平定樂平以及河南之輝縣武安直隸之井陘獲鹿諸州縣界中皆有太行山延袤千餘里焉林少穎曰太行在今懷州之北連亙數州爲河北脊以接恆岳程子謂太行千里片石岌山皆石上起爾朱子語錄曰太行山一千里河北諸州皆旋其趾潞州上黨在山脊最高處過河便見太行在半天如黑雲然 舜典十有一月朔巡狩至於北岳傳云北岳恆山周禮正北曰并州其山鎮曰恆山注云在上曲陽爾雅恆山爲北嶽管子曰恆山北臨代南俯趙漢書恆山北岳在常山郡上曲陽縣西北有祠并州山張晏曰恆山在西避文帝諱故改曰常山 大同府渾源州南二

十里亦有恆山水經注云崞縣南面元嶽卽此山也

州本漢雁門郡繁峙崞二縣

古北岳恆山歷代史志皆云在上曲陽竝

無異論自宋世以恆山沒於遼從曲陽望祀之因廢曲陽之恆山而指此爲禹迹近志謂與在曲陽西北者實一山然州距大茂約三百餘里雖或峰巒相接未可強合爲一也北岳在曲陽又何疑焉閻百詩云後之建都于燕者以爲曲陽在南渾源少北於方位宜余案孔氏詩崧高疏曰若必據所都以定方位則五岳之名無代不改何則軒居上谷處恆山之西舜居蒲阪在華陰之北豈當據已所在改岳祠乎此名儒之言也金世宗大定間或言今旣都燕當別議五岳名不得仍前代太常卿范洪輒援崧高疏數語以對事遂寢明宏治六年兵部尚書馬文升建言北岳



當改祠渾源下禮部議侍郎倪岳持不可乃止修渾源州舊廟而祭祀仍在曲陽神宗十六年大同巡撫胡來貢疏請改北岳沈文端鯉為宗伯覆疏詳駁議者口塞

西傾朱圉鳥鼠至于太華

錐指傳曰西傾朱圉鳥鼠三者雍州之南山至于太華相首尾而東正義曰地理志云朱圉在天水冀縣南鳥鼠東望太華太遠故傳云相首尾而東也曾氏曰岍與西傾皆北條山故西傾不言導其文蒙於導岍渭案今鞏昌府伏羌縣南有冀縣故城即漢縣也西傾鳥鼠太華竝見前西傾在鳥鼠之西南鳥鼠渭水所出朱圉太華皆在渭水之南

地理今釋朱圉山在今陝西鞏昌府伏羌縣西南三十里

熊耳外方桐柏至于陪尾

錐指傳曰四山相連東南在豫州界正義曰地理志云熊耳山在宏農盧氏縣東嵩高山在潁川密高縣古文以為外方桐柏山在南陽平氏縣東南橫尾山在江夏安陸縣東北古文以為陪尾是四山接華山而相連東南皆在豫州界也朱氏鶴齡曰凡言至于者以相去之遠也太華去鳥鼠遠故曰至于則陪尾亦應遠觀經文導淮自桐柏東會于泗沂其為徐州之陪尾明矣渭案盧氏今屬河南府密高今為登封縣地平氏今為南陽府桐柏縣其故城在縣西北四十里安陸今屬湖廣德安府泗水今屬山東兗州府本漢魯國卞縣陪尾山在縣東也



地理今釋熊耳山在今河南府盧氏縣西南七十里  
接陝西西安府商州舊上洛縣界熊耳雖有東西異名其實  
一山故郭璞云在上洛班固云在盧氏蔡傳以班固  
為非非也外方今中嶽嵩山在河南河南府登封縣  
北十里西接洛陽縣北接鞏縣東接開封府密縣界  
綿互一百五十里桐柏山在今河南南陽府桐柏縣  
東一里東南接湖廣德安府隨州西接襄陽府襄陽  
縣界陪尾山在今山東兗州府泗水縣東五十里案  
孔傳云淮出桐柏經陪尾今德安府安陸縣北有橫  
山漢志所謂橫尾山古文以為陪尾者也淮水不經  
此山下吳澄書纂言曰唐志泗水縣有陪尾山泗水  
出焉蓋此是也以橫尾為陪尾者非是  
胡氏渭曰漢書武帝紀元封元年登禮嵩高置奉邑

名曰崇高地理志潁川密高縣武帝置以奉太室山  
是為中岳有太室少室山廟古文以密高為外方山  
也左傳昭四年司馬侯曰四嶽三塗陽城太室太室  
即嵩高也於四嶽外別言之亦可見嵩高時不為嶽  
矣爾雅嵩高為中嶽蓋後人所附益耳後漢書熹平  
五年復密高為嵩高韋昭曰嵩高有太室少室之山  
山有石室故名戴延之西征記曰東曰太室西曰少  
室相去十七里嵩高其總名也元和志云嵩高山在  
告成縣西北二十三里唐改陽城縣曰告成其故城在今登封縣東南四十里登封縣北  
八里高二十里周一百三十里少室山在告成縣西  
北五十里登封縣西十里高六十里周三十里滑案  
古時皆指嵩高為太室而韋昭戴延之則兼二室並  
稱然前賢題詠猶以太室稱嵩山而少室則仍其本



名故有嵩少之目其山東跨密縣西跨洛陽北跨鞏  
縣綿亙百五十里太室中爲峻極峰左右列峰各十  
二凡二十四少室峰三十六先儒皆以嵩高爲外方  
金吉甫曰嵩高世名中嶽安得與江夏內方相爲內  
外哉據唐志陸渾山一名方山蓋古外方云此說非  
是嵩高當禹時未爲中嶽卽爲中嶽而仍名外方與  
東岱西華南衡北恆一例理無可疑且陸渾方山亦  
何以知其爲外方乎 詩大雅崧高維嶽峻極于天  
兼五嶽言之爾雅釋山曰山大而高崧郭璞注云今  
中嶽嵩高山蓋依此名邢昺疏云李巡曰高大曰崧  
此則山高者自名嵩本不指中嶽今之中嶽名嵩  
高或取此文以立名乎無正文故云蓋以疑之是亦  
不以詩之崧高爲中嶽也自劉熙釋名云嵩字或爲

崧則二字通作一字世遂以降神生甫專歸之中嶽  
文士錯解貽誤至今間有能正之者反以爲非也  
導嶓冢至於荆山

錐指傳曰漾水出嶓冢在梁州經荆山荆山在荊州  
正義曰梁州云岷嶓旣藝是嶓冢在梁州也渭案後  
魏地形志華陽郡嶓冢縣有嶓冢山漢水出焉唐六  
典山南道名山曰嶓冢嶓冢縣故城在今陝西漢中  
府沔縣西南四十里西南接甯羗州界山今在州北  
九十里荆山在今湖廣襄陽府南漳縣西通典云南  
漳漢臨沮地有荆山也 嶓冢山孔傳不言所在之  
郡縣而正義引地理志以實之曰隴西郡西縣嶓冢  
山西漢水所出夫此水卽嘉陵水之上源非禹貢之  
所謂嶓冢導漾東流爲漢者也而班固以西縣之嶓



豕爲禹貢之嶓冢謬矣自是以後言嶓冢者率依班氏如張衡西京賦云終南太一連岡乎嶓冢潘岳西征賦云面終南而背雲陽跨平原而連嶓冢玩其辭意皆主隴西而言司馬彪郡國志亦云漢陽郡西縣有嶓冢山無異議也自後魏正始中析沔陽地置嶓冢縣以表其山而名始著酈道元卒於孝昌二年上距正始置縣之時凡二十餘歲本朝典故生所親見而注水經不言豈事在成書之後不及追改抑亦因其晚出而疑之乎然漾水注引漢中記曰嶓冢以東水皆東流嶓冢以西水皆西流故俗以嶓冢爲分水嶺作者亦似知班志之謬而以禹貢嶓冢爲當在漢中也者不然於漢中記奚爲詳及隴西之山邪由此觀之則魏收以前已有知嶓冢在漢中者不待地形

志出而後知也穎達豈未之考乎然班志雖以西縣嶓冢爲禹貢之山而養水則自繫氏道之下不言出某山養與漾通或作養白水經云漾水出氏道縣嶓冢山而氏道亦有嶓冢矣常璩華陽國志云東源出武都氏道縣漾山爲漾水而氏道之嶓冢且有漾山之目矣郭璞注山海經云嶓冢今在武都氏道縣南酈道元注水經云東西兩源俱出嶓冢而同爲漢水則似一山跨二縣之境而在西縣者爲西源在氏道者爲東源矣輾轉迷惑愈久愈譌說經者不能出其窠臼而禹貢之嶓冢幾不可問矣西縣故城在今秦州西南氏道今不知所在蓋自晉永嘉之亂隴西沒於氏羌郡縣荒廢常璩郭璞皆云氏道屬武都而晉志武都郡無之則此縣之不可考久矣要之二縣在隴西皆古



雍州域也而禹貢嶓冢乃梁州之山不應闌入雍域  
故唯魏收所言為得其實秦州之嶓冢與南羌之嶓冢南北相距五百里  
地理今釋荆山在今湖廣襄陽府南漳縣西少北八  
十里昭四年左傳荆山九州之險指此

內方至於大別

雖指傳曰內方大別二山名在荊州漢所經正義曰  
地理志云章山在江夏竟陵縣東北古文以為內方  
山也地理志無大別鄭元云大別在廬江安豐縣杜  
預解春秋云大別闕不知何處或曰大別在安豐縣  
西南左傳云吳既與楚夾漢然後楚乃濟漢而陳自  
小別至於大別然則二別近漢之名無緣得在安豐  
如預所言雖不知其處要與內方相接漢水所經必  
在荊州界也蘇氏曰二別山皆在漢上蔡氏曰內方

在今荆門軍長林縣大別在今漢陽軍漢陽縣渭案  
地理志六安國安豐縣下云禹貢大別山在西南鄭  
杜說所自出正義謂志無大別何也安豐後漢屬廬  
江郡其故城在今江南廬州府霍山縣西北竟陵故  
城在今湖廣安陸府鍾祥縣南長林故城在今荆門  
州東漢陽縣即今漢陽府治大別山在其東北水經  
注所謂翼際山也左傳定四年自小別至于大別  
杜預云禹貢漢水至大別南入江然則此二別在江  
夏界水經注云江水東經魯山南古翼際山也元和  
志魯山一名大別山

地理今釋內方山在今湖廣安陸府鍾祥縣西周迴  
百餘里接荆門州界大別山一名魯山在今湖廣漢  
陽府漢陽縣東北半里漢水西岸



岷山之陽至於衡山

錐指傳曰岷山江所出在梁州正義曰梁州云岷嶓  
 既藝是岷山在梁州也地理志云衡山在長沙湘南  
 縣東南曾氏曰岷嶓皆南條山故岷山不言導其文  
 蒙於導嶓冢也吳氏曰蜀以西近江源者皆為岷山  
 連峰接岫青城天彭諸山之所環繞皆岷也岷山之  
 陽其山非一衡山南岳也在衡州衡陽縣北七十里  
 南一峰曰岫嶺山自縣西北以至湘南縣東南皆衡  
 山也渭案岷山地理志云在蜀郡湔氏道徼外湔氏  
 道今為四川松潘衛山在衛西北衡山縣本漢湘南  
 縣今屬湖廣衡州府唐志衡山縣有南岳祠元和志  
 云岳廟在縣西三十里衡陽今府治也 古今言岷  
 山者凡四處一在今四川松潘衛衛東南去布政司

七百六十里史記作汶山封禪書云自華以西名山  
 七有瀆山蜀之汶山也漢書地理志云岷山在湔氏  
 道西徼外江水所出蜀志秦宓曰蜀有汶阜之山江  
 出其腹華陽國志云岷山一名沃焦山其跗曰羊膊  
 江水所出任豫益州記云大江泉源始發羊膊嶺下  
 東南下百餘里至白馬嶺而歷天彭闕水經注云岷  
 山在蜀郡氏道縣即瀆山也又謂汶阜山在徼外江  
 水所導隋志汶山在汶山郡左封縣唐悉州治東至冀州一  
 百九十里今疊溪營西  
 有廢冀州此皆謂在松潘者也一在今成都府之茂州州本  
 冉駝國漢以其地置汶山郡治汶江縣晉改曰廣陽  
 隋又改曰汶山山海經注云岷山在廣陽縣水經注  
 云汶水出汶江道徼外嶓山玉輪坂下元和志云汶  
 山縣有汶山即岷山去青城山百里天色晴明望見



成都卽龍山之南首張栻西岳碑云岷山在茂州列  
鷲村其附曰羊膊也輿地廣記云岷山在汶山縣西  
北俗謂之鐵豹嶺王氏地理通釋云大渡河一名羊  
山江源出鐵豹嶺嶺卽羊膊之異名也此皆謂在茂  
州者也一在成都府之灌縣縣本漢縣屬郫江原三  
縣地周武帝分江原置青城縣因山爲名元和志云  
青城山在蜀州青城縣西北三十二里杜光庭成都  
記云岷山連峰接岫千里不絕灌縣青城山乃其第  
一峰也縣志云汶山在縣北三十里蓋卽青城矣一  
在今陝西岷州衛衛本漢隴西郡地西魏置溢樂縣  
今衛治卽其故城括地志云岷山在岷州溢樂縣南  
連縣至蜀幾二千里皆名岷山元和志云山在溢樂  
縣南一里此皆謂在岷州衛者也然則岷山最大志

家各就其所在言之陸游曰自蜀郡之西大山廣谷  
谿谷起伏西南走蠻箐中皆岷山也薛季宣曰今自  
岷洮松疊以南其大山峻嶺班班可考者皆岷山之  
隨地立名者耳此說是也觀漢志云山在徼外則固  
不可以湔氏一縣限之矣大抵岷山北起於溢樂實  
跨古雍州之境而南則訖於青城縣地千餘里與太  
行伯仲或專指在松潘亦非篤論然大江所出則必  
直氏道西徼外者也 舜典五月南巡守至於南岳  
傳云衡山也後漢志長沙郡湘南縣下云衡山在東  
南劉昭曰郭璞云山別名岫嶺湘中記云遙望衡山  
如陳雲沿湘千里九向九背迺不復見水經注云湘  
水北逕衡山縣東山在西南有三峰一名紫蓋一名  
容峰此處恐有脫誤盛宏之荆州記云衡山有三峰一名紫蓋一名石罔一名芙蓉容峰最爲竦傑自遠



望之蒼蒼隱天故羅含云望若陳雲非清霽素朝不見其峰丹水湧其左醴泉流其右山經謂之响嶺山為南嶽也山下有舜廟南有祝融冢衡山東南二面臨映湘川自長沙至此七百里中有九向九背故漁者歌曰帆隨湘轉望衡九面山上有飛泉下映青林直注山下望之若幅練矣徐靈期南岳記云南岳周回八百里回雁為首嶽麓為足嶽麓在長沙故唐志潭州湘潭縣有衡山長沙記云衡山軒翔聳拔九千餘丈尊卑差次七十二峰最大者五芙蓉紫蓋石廩天柱祝融祝融為最高韓退之曰五岳於中州衡山最遠南方之山巍然高而大者以百數獨衡為宗顧璘遊衡山記云登祝融之顛俯視四極蒼然一色山川襍陳瑣細莫辨風自遠來其力甚勁候與地下絕殊比曉觀日出海體象洞見

近若疆中東餘游氛浩漫無際

過九江至於敷淺原

錐指傳曰敷淺原一名博陽山在揚州豫章界正義曰地理志豫章歷陵縣有博陽山古文以為敷淺原渭案漢志傳易山傳讀曰敷今注疏本作博字之誤也晁以道云饒州鄱陽縣界中有歷陵故縣及博陽山其說蓋近是 通典云江州潯陽縣有蒲塘驛即漢歷陵縣也驛前有敷淺原原西數十里有敷陽山渭案唐武德八年於潯陽縣置蒲塘驛後改為場五代時楊吳升為德安縣今治故驛也杜佑以驛為漢歷陵縣不知何據豈因王莽改歷陵曰蒲亭而遂以蒲塘附會邪黃子鴻深疑之嘗為之辨曰漢志豫章郡領歷陵縣晉志歷陵與餘汗鄡陽俱割屬鄱陽郡



而柴桑則屬武昌郡不應歷陵反出柴桑之西也因  
謂晁氏云歷陵在鄱陽者爲是且曰吳志歷陵有石  
印山卽今饒州府之鄱陽山亦歷陵在鄱陽之一證  
也今案鄱陽山在府治鄱陽縣西北一百五十里鄱  
陽湖中亦名石印山鄱陽縣故城在今府城東六十  
里三國吳至隋皆爲鄱陽郡治唐移於今所然則府  
城西當卽爲故歷陵地敷淺原蓋在鄱湖之西落星  
之畔也說文原高平之野人所登原固有山體故謂  
之傅陽山猶疆梁原亦稱華原山杜氏析山與原爲  
二處非也 朱子九江彭蠡辨曰今之所謂敷淺原  
者爲山甚小而庠不足以有所表見而其全體正脈  
遂起而爲廬阜則甚高且大以盡乎大江彭蠡之交  
而所以識夫衡山東過一支之所極者唯是乃爲宜

耳又答陳泰之書曰詳經文敷淺原是衡山東北一  
支盡處意卽今廬山若如晁氏說以爲江入海處所  
過之水又非特京口而已是其意以廬阜爲敷淺原  
也然此山高峻似不可名之曰原金吉甫云敷古文  
作傅傅陽山在廬阜之西南則是敷淺原之陽也蓋  
廬山雖高而其中原田連亘人民奠居所以有敷淺  
原之名是亦善解矣然原田連亘要不過山中高平  
之地耳若此者不一而足安得舉體而名之曰原王  
耕野云敷淺原恐非廬山高平曰原而又名敷淺則  
必平曠之地不爲高山可知近朱長孺亦云傅陽山  
漢志得之古文可據也朱子疑庠小不足表識繹敷  
淺之名正不當求之高大蓋傅陽在古本高平之地  
後人名之爲山耳導江漢之山至大別敷淺原而卽



止者以江漢至此合流赴海不煩殫力隨刊況導水合舉源流可以互見豈必求之山脈盡處邪此說是也今案水經注引孫放廬山賦曰潯陽郡南有廬山臨彭蠡之澤接平敞之原是廬山下固有平原也山今跨德化星子二縣之境南唐改潯陽縣曰德化今為九江府治宋升德化之星子鎮為縣今為南康府治縣以落星石得名水經注云廬山之南湖中有落星石周迴百餘步高五丈今在城南五里湖中梁書王僧辯破侯景于落星灣即此地星子舊以為漢鄱陽地然鄱陽故城在今鄱陽縣西北一百二十里鄱湖之東北則都昌為是星子似非其地竊疑星子地本歷陵而敷淺原即孫放所謂平敞之原乃廬山東南之麓瀕于彭蠡澤者蓋柴桑故城在德化縣南九十里故蒲塘驛今為德安縣在德化縣西南一百五十里此必漢柴桑地西連武昌郡界故晉以柴桑屬焉而歷陵與鄱陽俱屬鄱陽郡歷陵在

柴桑之東鄱陽之西則唯星子可以當之

歷陵故治當在湖西今星子縣

地其境則跨湖而東宋元嘉初廢歷陵蓋舉石印以東併入鄱陽而其西則併入柴桑故星子鎮屬德化耳

廬山盤基廣大

其陽必有平敞之原但曠衍無奇選勝者所不道而志家又因仍舊說不能詳考指言其狀耳以此求之庶不失朱子之意而又不即以高山為平原犯學者之所疑準諸地望揆諸經旨視晁氏為少優云地理今釋敷淺原蔡傳遵用師說指廬阜為敷淺原而復以無可考據為疑何也廬阜在今江西九江府德化縣南山北隸南康府星子縣

蕙田案敷淺原漢志以為豫章歷陵縣之傅陽山水經亦云在歷陵縣西南後世求歷陵者或于德安或於鄱陽皆無定論獨朱子欲以廬山當敷淺原蔡九峰書傳主德安而兼



存朱子之說蓋疑而未決胡朏明雖指前後亦有兩說然當以後說爲長蓋以星子當歷陵既與漢志相合而孫放廬山賦亦云臨彭蠡之澤接平敞之原則敷淺原實當爲匡廬之支隴朱子之說本非無據至德安之傳淺原出於後人附會而鄱陽則又無山可以當之皆不足信

導弱水至於合黎

雖指傳曰合黎水名在流沙東正義曰顧氏云地說書合黎山名但此水出合黎因山爲名也鄭元亦以爲山名地理志張掖郡刪丹縣桑欽以爲導弱水自此西至酒泉合黎又居延縣有居延澤在東北古文以爲流沙如志之言酒泉郡在張掖郡西居延屬張

掖合黎在酒泉則流沙在合黎之東與此傳不合案經弱水西流水既至於合黎餘波入於流沙當如傳文合黎在流沙之東不得在其西也蘇氏曰合黎山名易氏曰甘州卽漢張掖郡弱水出刪丹縣南山下合黎山在張掖縣西北二百里俗名要塗山薛氏曰弱水出吐谷渾界窮石山自刪丹西至合黎山與張掖河合渭案導亦循行之謂與導荷澤之導異禹治水或躬親其事或遣官屬往治之及九州功畢其水之大而切於利害者有九禹舟行從源至委核其治否故謂之導非疏濬決排之謂先儒皆以導爲治夫治河先積石治江先岷山有是理乎經言鬱而不明可歎也張掖郡今爲甘州衛陝西行都司治酒泉郡今爲肅州衛刪丹縣卽今山丹衛居延故城在甘州



五禮通考卷三百六  
六  
衛東北塞外其澤曰居延海弱水正流出合黎峽口而東北注之非經所謂流沙也

地理今釋合黎山亦名要塗山在今陝西甘州衛西北四十里縣延而西接高臺鎮彝二所界

餘波入於流沙

雖指傳曰弱水餘波西溢入流沙顏氏曰流沙在燉煌西林氏曰弱水溢其餘波以被於流沙猶導潯澤被孟豬也薛氏曰流沙大磧也在沙州西八十里其沙隨風流行故名陳氏曰弱水之正者入合黎其餘則入于流沙也金氏曰大抵西北之地多是沙磧史書所謂河沙諸國佛書所謂沙界恆河沙是也沙則水滲而下如沙州以西山北之地即連流沙弱水滲其下也鄭氏曉曰弱水正派至於合黎過此無事疏

鑿矣其餘波入于流沙聽其流行耳志合黎見其經流有所歸志流沙見其支流有所洩渭秦弱水入流沙而謂之餘波蓋時遇衍溢則分泄於流沙不常入也其正流自合黎山峽口東北入居延澤故此云餘波

地理今釋流沙在今陝西嘉峪關外索科鄂模即居延澤漢志

古文以為流沙以北東至賀蘭山西至廢沙州界幾南北千餘

里東西數百里其沙隨風流行隨處有之導黑水至於三危入於南海

雖指林氏曰三危距南海凡數千里禹導黑水至三危即得其故道遂從此以達南海蓋其間數千里不加人功修治故經載此水至於三危即曰入於南海也薛氏曰黑水至沙州燉煌縣經三危山流出徼外



書謂南流入海其當時之所見邪夏之西境極於流沙而知黑水之所歸則當時即敘之戎大略為可知也渭案黑水三危竝見雍州梁之黑水別是一川非界雍之西者黑水自三危以北杜氏謂今已堙涸自三危以南則水行徼外不可得詳亦莫知其從何處入南海也南海自揭陽以西至象林皆是經所謂海盡東海也唯黑水所入為南海故言南以別之

地理今釋三危山在大河南今陝西岷州衛塞外古疊州西蕃界中雲南麗江府北河圖括地象云三危在鳥鼠西南與汶山相接黑水出其南鄭元云南

當岷山則在積石西南是也案今雲南大理府雲南府西有三危山一名三危瀾滄江經其麓有黑水

祠或以為即古三危也然其地大南似未為的姑存備考導川黑水即今雲南之瀾滄江其源發於西蕃諾莫渾五巴什山分支之西曰阿莫

必拉南流至你那山入雲南界東岐一支為漾備江

即程大昌所謂葉榆河東南流分注大理府之西洱海經流入順甯

府境其正支南行絕雲龍江而東南至雲州屬順甯府北之分水嶺仍與漾備江合又南流至阿瓦國入南海又

案金沙瀾滄一為梁州之黑水一為導川之黑水然皆非四大水之黑水也昔人謂蕃名山川皆以形色

西南夷地水色多黑故悉蒙黑名如打冲金沙瀾滄俱得稱黑水也而真黑水之源去瀾滄之西三百餘

里蕃名哈拉烏蘇色禽經蒙蕃怒彝獯獯界由緬甸入南海即佛書所謂黑水出阿耨達山即大崑崙山在今達賴喇嘛界

是也禹迹之所不至蓋中國在阿耨達之東故名震旦所入大水唯黃河一支可見黑水出阿耨達之東實在中國之西南未嘗流入內地故從古無人知其



源委也 黑水之辨諸家紛如今考地圖禹貢之黑  
水有三正不必强合水經注所謂黑水出張掖雞山  
今甘至於燉煌今廢此雍州之黑水也漢書地理志犍爲  
郡縣南廣注云汾關山符黑水所出南廣今北至樊道  
入江今敘唐樊綽亦以麗江爲古黑水云羅些城北有  
三危山羅些城在今其水從山南行上出吐蕃界薛季宣  
謂瀘水爲黑水今打引酈道元說黑水亦曰瀘水卽若  
水出姚州徼外吐蕃界中山海經黑水之間有若水  
是也以麗江之說爲非不知打冲河至大姚縣卽合  
金沙江會流入岷江薛氏之說原與漢志相合此梁  
州之黑水也宋程大昌以瀾滄江爲黑水李元陽黑  
水辨亦云隴蜀無入南海之水唯滇之瀾滄足以當  
之而元史載勸農官張立道使交趾並黑水以至其

國吳任臣山海經注亦以瀾滄爲古黑水此導川之  
黑水也蓋雍州之黑水其源在黃河之北梁州及導  
川之黑水其源皆在黃河之南有截然不相紊者第  
以張掖燉煌尚在內地可以尋源而求而推其委而  
不得遂託爲越河伏流之說夫崑崙爲地軸其山根  
連延起頓包河南接秦隴直達長安爲南山黑水自  
燉煌而南縱可越大河之伏流其不能越河以南之  
南山也明矣若狃于雍州三危旣宅之說此是言雍  
州分域以內今終南鳥鼠皆在河之南而三危更在  
鳥鼠之南書疏鄭康成引地記云三危在鳥鼠之西南當岷山要其與  
知禹貢導川之三危必在河之南非嶺三苗之三危也雍州之黑水又何涉邪然主瀘水麗江瀾滄之說者  
亦皆以意度未能確指水之分合不知瀘水麗江源  
異而流同麗江瀾滄源近而流別分合言之梁州之



黑水有兩支而與導川之黑水實出一地也而古未有及之者蓋以二水僻在蕃界隔蔽南山阻奧從古未通中國卽魏之法顯唐之元奘元世祖之南征邱處機之西遊皆繞出崑崙以外歷西域諸國至於滇南總未嘗經其地但從入中國之支流以古今分域配之料約爲某水某水而已今海內一統西南徼外咸入版圖爰遣使臣徧歷其地究源討委寫圖以誌支派經絡瞭如指掌諸家浮說有折衷矣  
季氏紱黑水考禹貢之水不趨東海者二弱水西行而黑水入南海也程氏論黑水三條未能得黑水之實其駁隋志扶州黑水是矣扶州黑水旣合白水注嘉陵江以入岷江與禹貢入南海之文全異自不得指爲禹貢之黑水也其駁孔氏穎達所引酈氏水經

注則實未審漢四郡之形勢與黃河經行之地孔氏之說雖有可駁而所駁之者未中其窾則孔固失矣而程亦未爲得也水經謂黑水出張掖雞山南流至燉煌過三危山南流入於南海程氏謂其說雖出許慎而道元增益以入南海句入南海乃禹貢本文增無害也杜佑誤合於南海之符黑水則佑自失耳酈不失也孔氏疑黑水不能越黃河而南謂自積石以西河多伏流故得越河入南海程氏詆其巧而駁其誤謂張掖者甘州而燉煌者沙州甘沙之水皆入積石河河流旣東已非南向又河源出于闐南山之北是山岡麓東行南接秦隴直達長安幾近萬里何理可以越之而入南海至河之下流與甘沙對岸爲秦河南地其大川爲洮洮旣北入於河縱有伏流不能



逆行南上其說似辯而實非也考漢武所開四郡並在黃河之西惟武威爲今涼州與黃河稍近由涼州西北行至甘州去黃河已一千四百餘里又西行四百餘里爲肅州則漢之酒泉也去黃河近二千里由肅州出嘉峪關西北行千三百餘里而後至哈密由哈密西北行八百里而至吐魯番吐魯番西二百餘里爲玉門關又西二百餘里爲陽關考漢書燉煌郡所屬龍勒縣陽關玉門關在其地杜林以燉煌爲古瓜州地生美瓜則舜竄三苗之地所謂與允姓之戎同居瓜州者也瓜州之西爲沙州唐書稱沙州燉煌郡黑水所經之三危山在焉今方輿路程圖河源當西十九度而陽關當西二十六七度之間是黑水所經在河源崑崙西偏千六百里之遠距黃河東北行

之道已二三千若洮河在陝西內地則相距六七千里矣蓋黑水在甘州發源時已與黃河下流相遠其流至三危則繞出河源崑崙之西河流已無庸度越況洮水與秦隴諸山又豈能限之也哉至謂甘沙之水並入積石河則甚不然沙州之水距黃河絕遠固無入黃河之理卽甘肅之水亦無入黃河者攷古地圖甘涼之間惟浩疊水由湟水入河今方輿圖所載惟涼州以南有大通河及莊浪河由苦水堡入於黃河而已若涼州以北則皆西北流無入黃河者況甘沙二州之水絕遠者哉古今山川異名固難求其必合然方隅形勢猶可尋也張掖雞山之水漢唐諸史俱無其名以今方輿路程圖攷之甘州惟有一大川名曰黑河發源於馬營墩堡山中西北行四百餘



里至古城堡抱甘州城東北歷黑泉諸堡西北行六  
百餘里至金塔寺堡出長城外北行四百里至都崑  
崙河又百餘里入於索科鄂謨鄂謨者池澤之名疑  
卽舊圖所謂蒲昌海者其地在哈密之南瓜州之東  
甘州之水無大於此者既有黑河之名所歷又以黑  
泉名堡豈卽許慎所謂雞山黑水者耶或疑其水旣  
西北行又入於沙澤無入於南海之跡未敢遽指爲  
禹貢之黑水然三危之山漢書唐書咸以爲在燉煌  
燉煌爲古瓜州地三苗所居實生美瓜今瓜之美無  
出哈密右者蓋哈密卽古瓜州也其西有大鳴沙山  
至唐武德二年始分爲沙州而以燉煌爲之屬縣三  
苗三危旣在其地則舍甘州黑河別無所謂禹貢之  
黑水矣其水雖入於沙澤無南行之跡然甘肅瓜州

之地數千里皆沙也地稍低者卽匯爲澤而水入焉  
案舊輿圖西番之西大流沙之南湧出一澤名曰嘉  
河南流爲潞江至永昌騰越境內稱爲南金沙江由  
阿瓦緬甸入於南海其水盛大深黑人有稱爲黑水  
河者以今方輿路程圖考之則嘉湖卽今西番大池  
名哈拉努爾色楞格者其水流爲大川南行千九百  
里經鄂欺拉達巴罕名黑水江入怒彝境又南行六  
百里入雲南境經怒山之西更名怒江又南行八百  
里經永昌府西境更名潞江又南行三百里至潞江  
安撫司其地當騰越州正東三百餘里皆雲南內地  
土人稱爲南金沙江自騰越西南行三百里入阿瓦  
界經緬甸凡千餘里入於南海若以甘州黑河爲黑  
水之源此黑水江爲黑水之委則北起雍州之西北



南盡梁州之西南其爲二州之界可無遺憾而三危  
三苗俱在瓜沙二州更無疑竇若疑甘州黑河旣西  
北流其入沙之地當經度之四十一度而嘉湖當三  
十一二度中間相距近二千里入彼出此恐難確定  
然沈水逾河至溢爲滎澤又出陶邱北東西相距六  
七百里其水無色可辨神禹尚能定其爲沈水所溢  
況黑水與他水不同顏色深黑南北相望禹豈不能  
確定其源流乎程氏大昌以葉榆水指爲黑水謂榆  
葉漬水而黑固出臆揣數千里大川豈木葉所能黑  
滇池黑水祠去勞廣諸水甚遠考水經葉榆澤在漢  
益州郡葉榆縣經不韋縣入牂牁郡過交趾糜冷縣  
入海自源竟委無一字及於黑水似難憑信不韋爲  
古哀牢國以今方輿路程圖考之蓋卽所謂瀾滄江

也其水發源西番阿克必拉疑卽古之勞水南行千  
六百里始名瀾滄江迤蒙番東境又南行千里入雲  
南小甸又南行八百里經永昌府西境則哀牢山在  
焉又南行千六百里經永順威遠二府至車里宣慰  
司名九龍江入阿瓦老撾二國境入於南海其水源  
委甚長似足以當黑水然自發源以至雲南行三千  
餘里竝無黑水之名至西洱河來會洱河之源始稱  
黑水其源近出雲南與雍州絕遠中隔岷峨諸山亦  
無與甘州黑水相通之理必非禹貢之黑水程氏乃  
以爲足界兩州誤亦甚矣程氏又謂葉榆在蜀正西  
東北距宕昌不遠宕昌卽三苗種類以爲與三危之  
敘三苗相應則其誤尤甚夫三危之在燉煌三苗之  
在瓜州自古訖今別無異說燉煌瓜州在雍州西北



五禮通考卷二百四  
宕昌在雍州西南相去二千餘里妄指宕昌以爲三  
苗又用三苗以影附三危豈有當哉禹貢謂黑水西  
河惟雍州西河者龍門之河以其在冀州之西也然  
西河僅足界雍州東面若以葉榆瀾滄爲黑水遠在  
雍州西南境外是雍州西北南三面俱無疆界必不  
然矣如以絕無黑水之名之瀾滄江爲足以當黑水  
又不如徑指潞江爲黑水其源流旣與瀾滄相等又  
實有黑水江之名尚略有依據也

右禹貢隨山濬川



